



Awe ta entregamento di lista di candidatonan di partidonan politico



Pagina 2

- **A kita varios mashin di ehercicio na Linear Park**

Pagina 2

- **Definicion nobo tin menos Hulandes bibando den pobresa**

Pagina 9

- **Bolivia: A disparce hoben cu a denuncia Evo Morales pa violacion**

Pagina 10

Lista di espera pa
camber na Hulanda
ta cinco aña



Pagina 4

Preparacion pa e siguiente
Ciclo Olimpico a cuminsa



Pagina 14

Israel ta
bisa cu el a
elimina lider
di Hamas
Yayha
Sinwar



Pagina 22

FLASH DEAL

-10%

OP TUI VLIEGTICKETS
BIJ VERTREK T/M MAART 2025

Boek tussen 15 en 21 oktober bij een van onze TUI shops

TUI Aruba: maa-zat 9-17:15 | TUI Bonaire: maa-vrij 9-17:15
TUI Curacao Zeelandia: maa-zat 8-16:45 | TUI Curacao Hato: maa-zat 10-18:45

UNI NA E ACCION DI LIMPIESA
MAS GRANDI DI ARUBA
9 NOVEMBER 2024

REGISTRA BO BARIO
www.mibariolimpi.org

Mi
Bario
Limpi



Awe ta entregamento di lista di candidatonan di partidonan politico

Awe for di 9or di mainta te cu 4or di atardi, 12 partido politico ta bay haci entrega di nan lista di candidatonan caminda ya caba algun di nan a anuncia cu ta bay haci nan parada.

Pa esaki, Consejo electoral a informa cu pa sigura un proceso organisa y transparente, e partidonan politico a ricibi e oportunidad pa participa den un loting pa stipula e orario di entregamento di e lista di candidatonan di partidonan politico pa cu e eleccion di parlamento dia 6 di december 2024.

Na Hoofdstembureau, Schoolstraat #2 ta bay entrega e lista di candidatonan di partidonan politico digi-

talmente of personalmente door di e apoderado of e apoderado suplente di e partido politico registra na Consejo Electoral. Tambe por ta presente, un candidato pa e eleccion of e lider di e partido politico.

Pa loke ta trata partidonan mas grandi, MEP a publica riba su rednan social cu “Ban join Lider di MEP Evelyn Wever-Croes y partido MEP pa entrega e lista victorioso diabierna dia 18 di october pa 1.30 di atardi. Bisti geel y uni na e movecion.”

Partido AVP a anuncia cu nan lo entrega e lista “di victoria,” nan ta bay sali for di Cas di partido na Playa y pa 2:00 di atardi nan mester ta na

Hoofdstembureau.

Un di e partidonan nobo, FUTURO, riba su rednan social a señala cu “Ban Nos TUR! Entrega lista. Diabierna 18 di october, 2024 Topa nos 2:00 atardi na Futuro Office (Rotonde di Paradera). Nos ta warda boso TUR!”

Di otro banda, partidonan politico cu no a logra gana un asiento durante e eleccion ultimo na 2021 mester ricibi sosten di nan lista politico cu 586 persona cual ta 1% di e votonan valido di e eleccion anterior esta 58,610 voto.

Firma pa sosten di lista por wordo haci entre 21 di October te cu 29 di October 2024.

Orario Stipula	Partido
09:00 AM	Partido HTC (HTC)
09:30 AM	
10:00 AM	Cristiannan Uni Reforzando Potencial di Aruba (CURPA)
10:30 AM	Movimiento Arubano Soberano (MAS)
11:00 AM	Movimiento Indigena Arubano (MIA)
11:30 AM	Union Patriotico Progresista (UPP)
12:00 PM	Partido Patriotico di Aruba (PPA)
01:00 PM	RAIZ
01:30 PM	Movimiento Electoral di Pueblo (MEP)
02:00 PM	Arubaanse Volkspartij / Christen Democraten Aruba (AVP)
02:30 PM	Red Democratico (RED)
03:00 PM	Accion 21 (ACCION 21)
03:30 PM	FUTURO (FUTURO)

Ciudadanonan preocupa:

A kita varios mashin di ehercicio na Linear Park

Na mesa di redaccion di Bon Dia Aruba a yega informacion di lectornan cu ta hopi preocupa pa loke ta trata e mal estado di varios mashin di haci ehercicio cu ta ubica riba Linear Park. Nan ta cuestiona pakico gobierno no a haci e mantencion debido na e mashinnan aki, cu hopi ciudadano ta haci uso di nan.

El a bira casi un custumber pa hopi ciudadano, den intento di mantene un estilo di bida saludabel y haci movecion, di cana riba e ruta di Linear Park y alabes haci uso di e mashinnan di haci ehercicio cu tin poni riba e mesun ruta aki.

Pero recientemente a sali na cla cu e mashinnan aki ta den hopi mal estado y algun no por wordo usa pa motibo cu por ta peligroso pa personanan na momento cu haci uso di dje. Lectornan cu a expresa nan preocupacion ta puntra pakico gobierno no a realisa mantencion riba e mashinnan aki enbes di laga nan bay perdi.

Gobierno di Aruba demisionario na mas di un ocasion a ratifica nan compromiso pa yuda ciudadanonan hiba un estilo di bida mas saludabel. A inicia diferente campaña pa mehora estilo di bida, a habri e Healthy Lifestyle Center, a lansa varios proyecto y/programa tambe den e mesun liña aki y recientemente a organisa e Expo Salud. Tur es-



aki pa enfatisa e importancia di un estilo di bida saludabel.

Pero di otro banda, no a duna atencion y mantencion na e mashinnan aki na Linear Park, cu tin como meta stimula ciudadanonan, specialmente esnan cu no tin facilidad pa paga miembresia na un gym, pa haci actividad fisico y mantene un estilo di bida saludabel.

Na mesun momento ciudadanonan ta cuestiona pakico, si gobierno ta papia di un surplus y un economia cu a recupera significativamente, miho di loke a spera, no ta inverti den mantencion di un proyecto ya caba existente y

cu hopi ciudadano a custuma di haci uso di dje.

Ya caba a kita algun di e mashinnan aki cu tabata den mal estado y no a remplasa nan cu otro mashinnan tampoco. No ta conoci si ta bay bin otro mashinnan of cuanto tempo lo dura prome cu mashinnan nobo.

Reportero di Bon Dia Aruba a tuma contacto cu un representante di DOW pa asina puntra pa ki motibo no a duna mantencion na e mashinnan aki, si ta bay kita nan of cambia nan. Pero no a logra ricibi un contesta te na momento di ciere di edicion.



Partido RED Democrático:

“Ni un gobernante, parlamentario of candidato politico por tin interes personal”

Den un conferencia di prensa prome cu entregamento di lista, partido RED Democrático ayera mainta a tene un conferencia di prensa pa continua treciendo dilanti nan preocupacion tocante e gobernacion di e pais, e cual lider di partido Ricardo Croes ta sigura cu ta algo serio.

Den opinion di Croes, gobernantenan mester tin interes general na pecho, “ni un gobernante, ni un parlamentario of candidato politico por tin interes personal” y mester actua den interes di comunidad completo sin preferencia personal of labor pa un grupo specifico “prioridad mester ta tur ciudadano, tuma decision cu ta beneficia henter e pais, mester ta comprometi pa mehora bida di tur hende y di un manera husto y imparcial,” el a sigura.

Pa varios gobernacion caba y desaroyo di “Friends & Family” manera el a indica, e interes di e partido a bin ta prevalece riba interes general cu tin e consecucionnan cu tin “Aruba ta den debe grandisimo pa motibo di falta di vision y decisionnan mal tuma pa diferente proyecto, entre otro, construccionnan di Watty Vos Boulevard y Green Coridor e cual a resulta di no a resolve absolutamente e fluho di trafico,” el a bisa.

Tambe el a trece dilanti e forma con ta cobrando impuestos, “BBO tampoco ta traha,



ta subi inflacion acumulativo y ta na frontera tambe, tur hende ta paga BBO sin cu e ta traha. Partido RED Democrático for di decada 90 cu vision a presenta BTW, pero atrobe, simplemente pa no haci lo cual otro partido ta propone loke ta miho pa e pais aki, a bin cu BBO y despues mester a bin cu AZV pa paga e debe astronomico, cu entre otro, gobierno di AVP a bin hinca nos den dje.”

Den su parecer, ministerionan ta carga cu coordinador “ex-prome minister Mike Eman tabatin un batayon di coordinador, mas hopi coordinador cu full e gobierno di MEP-POR-RED di cual a nos tabata forma parti,” el a bisa.

Pa loke ta trata dunamento di permiso el a bisa cu precisamente “di parti di ex-gobernacion di MEP-POR-RED, Chris Romero, 80 permiso duna na un solo persona, ki sorto di maneho esaki ta?”

Pa esaki, el a indica cu ta minister di Transporte Ursell Arends, esun cu a bin descubi esaki y el a tuma pasonan contra esey.

Gastamento di placa di pueblo “como si fuera cu ta di nan mes e ta” caminda el a papia di ex-minister plenipotenciario Guilfred Besaril ken mientras tabata fungi e funcion ey na Arubahuis “cu e credit card el a bay paga pasashinan pa biaha den business class segun informacion cu nos tin y tur cos a sali na cla den parlamento, pero Sr. Besaril a haya su oportunidad pa paga e debe, algo cu abo no ta haya si bo ta comete algun di e fechorianan aki.” Ademá, el a trece dilanti cu ex-minister Rudy Lampe a descubri “fechorianan na scolnan.”

Proximo luna di november, ta bay tuma luga na Corte di Husticia e caso penal “Flamingo” unda e politico Otmar Oduber ta e sospechoso



principal, pa esaki, Croes a declara cu “otro persona cu tabata minister, parlamentario den gobierno di AVP cu tabata lider di partido POR, despues a pasa pa lider di Plataforma Pais y aworaki ta lider di PPA, unda e idealnan di e politico aki ta sinta? Unda nan interes ta sinta? Pasobra, obviamente entre partido AVP, POR, Pais y PPA tin diferencianan di vision grandi. Esaki ta netamente pa muestra bo cu e personanan aki tin nada menos cu interes personal politico, esey ta berdad.”

Igualmente Croes a papia di e situacion actual caminda un minister di e gobierno aki, Geoffrey Wever “cu ta minister di partido Raiz y ta coriendo campaña como candidato di partido FUTURO. Kiermen bo tin cu puntra bo mes si bo ta votando pa un persona cu tin un vision politico pa sirbi interes general,” el a sigura.

Croes ta señala cu ta bon pa minister Ursell Arends y Geoffrey Wever bin dilanti y splica pueblo kico a pasa “pa bo sa pa ken bo tin cu vota y pa ken no, pasobra e ta imposibel y ta falta di etica politico pa un persona cu ta minister den un gobierno den nomber di un otro partido y aworaki ta core campaña pa otro partido.”

El a su muestra su preocupacion pa politiconan cu ta campaña y cu ta bao investigacion y “ami ta duda cu Ministerio Publico ta asina sin mas lanta bay Corte pa purba atacha un persona di un caliber di un minister, un parlamentario of un coordinador di minister.”

El a recorda e caso di Paul

Croes y di Benny Sevinger “cu ainda ta den parlamento y e ta papia como si fuera cu ni un musca bula, cu nada ta hole stinki manera e no a haci nada. Increibel, anto abo ta esun cu bo ta vota pe y abo ta esun cu ta yora mañan cu costo di bida a subi, cu salario abou,” el a bisa.

Croes ta afirma cu algun partidonan chikito “a haci un especie di union y cu nan tampoco tin ni un interes pa sirbi interes general.”

Di su parti, Rudy Lampe a enfatisa cu su sucesor Endy Croes “a incrimina su mes den parlamento cu loke el a bisa” pa motibo cu segun el a sigura, ora a Endy Croes a bisa e correspondencia pa deporte na su ministerio no ta digitalisa el a incrimina su mes, pasobra ya pa varios aña caba tur ministerio ta usa un sistema full digitalisa, kiermen ora cualkier correspondencia cu ta sali ta haya un number pa motibo di e sistema aki.”

Segun Lampe, loke Croes a declara ta cu e tin un “administracion paralelo” na esun oficial y cynan manera Lampe ta sigura, “bo ta descubri un patronchi.”

Pa finalisa, Lampe a bisa cu tin informacion cu ta coriendo rond “cu e placa cu FIFA a pone disponibel pa un proyecto specifico di Guillermo Trinidad stadion cu gran parti di e placa ey a haya otro destino, cu a wordo usa pa Kudawecha, pa haci otro bunita pa e haya voto y aworaki FIFA cu ta un organizacion internacional ta pone placa pa algo y ta bay otro destino, ta algo serio.”



Director Arubahuis Sra. Joselin Croes:

Lista di espera pa camber na Hulanda ta cinco aña

E problematica di vivienda na Hulanda pa studiantenan ta keda un punto di preocupacion. Studiantenan cu ta prepara pa bay studia na Hulanda ta encontra obstaculonnan grandi pa por haya un camber, un luga di biba ora nan yega Hulanda pa cuminsa nan estudio. Esaki ta un punto cu importante cu Arubahuis tin presente y cu ta trata riba dje pa yuda e studiantenan supera.

Recientemente Bon Dia Aruba a tene un entrevista telefonico cu directora di Arubahuis, Sra. Joselin Croes. Durante e entrevista, un di e preguntanan cu Bon Dia Aruba a haci na Sra. Croes ta, teniendo cuenta e problema grandi cu studiantenan ta encontrando pa haya cas of camber na Hulanda, ki mecanismo Arubahuis ta implementando pa yuda e studiantenan Arubiano supera e problema aki.

Croes a splica cu e problema di huisvesting no ta algo cu ta afecta e studiantenan di Aruba so, pero ta afecta tur estudiante cu ta bin studia na Hulanda for di otro parti y hasta studiantenan di Hulanda mes tambe.

Un di e motibonan pa e problematica cu huisvesting, el a sigui splica, ta cu Hulanda por lo general tin un politica di asilo cu nan ta brinda asilo na inmigrantenan, ta duna nan luga pa biba, cual a crea, teniendo na cuenta tur e gueranan cu tin den Europa, cu nan a yena hopi lihe y aworaki no tin suficiente camber pa studiantenan. “E ta un hecho real, no tin nada cu nos por haci tocante esaki. Hulanda tin cu pak e aan,” el a indica.

Primeramente Croes a remarca cu loke nan ta conseha e studiantenan pa haci ta pa inscribi nan mes den tur e paginan di vivienda di estudiante na Hulanda cinco aña prome, cual ta e lista di espera cu tin aworaki. Esaki ta conta pa mayoria di e luganan y algun tin un lista di espera di cuater aña.

El a enfatisa cu si un estudiante sa caba for momento cu nan ta den tweede VWO of eerste HAVO cu nan kier bay studia na Hulanda, e mester inscribi su mes for di e tempo ey caba den e paginan di huisvesting pa no encontra



ningun obstaculo ora cu yega e momento cu nan mester subi avion pa bay Hulanda.

Di dos, el a splica, cu di band di Arubahuis loke nan ta haciendo ta purba di negoshia cu e huisvestingen na Hulanda pa asina por sigura cambernan pa e studiantenan di Aruba. El indica cu nan a logra esaki na Amsterdam, Breda, Maastricht, entre otro, mas algun otro luga, caminda nan a cera un acuerdo cu e huisvestingen aki pa nan sigura sikiera 20 pa 30 camber pa e studiantenan di Aruba.

El a sigui splica cu e unico lunanan cu ta crea un problema ta juni cu juli pa motibo cu e estudiante no a yega ainda. E huisvesting ta dispuesto pa wanta e camber pa e studiantenan, pero e estudiante e ora mester ta dispuesto pa paga e dos lunanan ey. El a indica cu nan a splica e studiantenan cu si nan kier sigura un camber, nan tin cu paga e deposito di e lunanan aki, juni y juli, pa wanta e camber.

Te aworaki, el a menciona, e studiantenan ta djis contento cu nan ta logra haya un camber cu nan no ta worry cu nan mester paga e lunanan extra.

Croes a agrega cu tin cierto luga cu no a logra e cera acuerdo aki pasobra nan ta bisa cu ta imposibel pa haciele, y esaki no ta pasobra cu nan no kier yuda, si no cu e problema ta cu no tin e cambernan disponible pa por yuda cu esey.

Algun di e luganan aki ta Utrecht, Eindhoven y Rotterdam. El a enfatisa cu pa motibo di e problema grandi cu huisvesting nan ta conseha

gion pa nos studiantenan. No ta tur caminda nos ta logra pero nos ta keda haci nos best,” el a subraya.

El a menciona cu e luganan di mas grandi pa e studiantenan di Aruba toch ta keda e region di Den Haag, Leiden, Delft y Rotterdam, pues tur loke ta e randstad.

Por ultimo Croes a indica cu otro cos cu nan ta haci pa purba yuda e studiantenan cu e problema di camber, ta cu den caso cu por chempel tin dos of tres mucha cu a keda sin haya camber, e mentornan ta keda busca y purba haya algo pa nan.

El a ratifica cu busca of haya camber en realidad no ta trabou di Arubahuis of e mentornan pasobra e no ta cay bou di e responsabilidad di e kabinet. E ta responsabilidad di e estudiante pa regla esaki prome cu e yega Hulanda, pero e mentornan, den esfuerso pa yuda e studiantenan lo miho posibel, ta haci nan

best pa purba haya algo via e scolnan mes.

E aña aki minister di Enseñansa y Deporte e momento ey, Endy Croes, tambe a pone hopi enfasis riba e situacion di vivienda na Hulanda pa studiantenan Arubiano. Hunto cu Departamento di Enseñansa a organisa varios anochi informativo pa studiantenan cu ta bay studia na Hulanda pa asina brinda tur informacion necesario y guia na e alumnonan aki prome cu nan cuminsa nan estudio na Hulanda.

Apart di esaki, el a indica cu Nationale Ombudsman Den Haag a produci un rapport amplio di 86 pagina titula “Dolor di cabes di studiantenan Caribense”, den cual 624 estudiante di e region di Caribe a participa y a base di e resultado di e investigacion aki bin dilanti diferente aspecto cu e studiantenan ta encontra problema cune na Hulanda.



Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)

Angenette Figueroa (closer editor)

Leo Maduro

Andreina Morillo

Raisa Montilla

Oriana Geerman

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)

Pablo Libre

Press

Roland Schenker (Hefe)

Omar Ramirez

Martin Boekhouth

Francis Dirks

Colaboracion

Associated Press

Ret Karibense

Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22

Tel: 582-7800

Email: noticia@bondia.com

aviso@bondia.com

info@bondia.com

Website: www.bondia.com

Facebook: @bondianoticia

Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.

Gabinete di Aruba a reuni cu organisacionnan di estudiante



Gabinete di Aruba a tene recientemente un reunion cu diferente organisacionnan di estudiante. Meta di e reunion aki ta pa conoce otra aun mihor y intercambia riba topiconan cu ta interesante pa tanto e organisacionnan y Gabinete di Aruba.

E programa a cuminsa cu un introduccion di e organisacionnan den cual nan a papia riba nan metanan pa studiantenan y riba cual terenonan ta organisa actividadnan.

Directora di Gabinete di Aruba Joselin Croes LL.M/M.Sc

a guia e session cu a consisti di algun preguntanan manera nan contacto cu Gabinete di Aruba, contacto cu e grupo di mentornan. Sra. Croes tambe a puntra e organisacionnan cual tabata nan actividad/ evenemento mas exitoso den e ultimo añanan, con grandi e publico tabata ta y con a logra pa haya asina hopi hende. Otro punto cu tambe a keda lansa na e organisacionnan ta ki tipo di actividad e organisacionnan ta mira cu por wordo organisa en cooperacion cu Gabinete di Aruba. Importante pa sa ta cual temanan ta interesante pa studiantenan. Esaki en connexion



cu workshops cu Gabinete di Aruba ta pensa pa organisa.

Minister Plenipotenciario demisionario mr. Ady Thijsen a bisa di ta contento cu hopi organizacion di studiantenan a bin na e encuentro aki. E mandatario a bisa cu Gabinete di Aruba a bin ta organisando diferente reunionnan cu studiantenan pa tende kico ta biba cerca nan y con Gabinete di Aruba por duna un aporte cu por contribui na e exito den nan estudio. Mescos cu e grupo di estudiante ta na su lugar pa papia tambe cu e organisacionnan di estudiante pa mira ki tipo

di cooperacion por bin entre e organisacionnan y Gabinete di Aruba.

Sr. Thijsen a bisa cu guia di estudiante ta keda un trabao importante pa Gabinete di Aruba y tambe estrecha e contacto cu studiantenan Arubiano pa asina tambe sondea e posibilidad y animo bou di nos hobennan pa despues di a caba cu nan estudio, nan regresa Aruba pa contribui na bienestar y progreso di Aruba.

E potretnan ta cortesía di Arubahuis.

Minister Geoffrey Wever: A kick start e desaroyo di un Agri Innovation Park

Minister Geoffrey Wever ta anuncia inicio di e estudio basa riba e tipo di 'greenhouses' mas ideal, cultivonan prometededor y sondeo di metodonan di cultivo den agricultura comercial na Aruba.

E estudio aki ta otro colaboracion hunto cu Hulanda como parti tambe di e maneho di Ministerio di Asuntonan Economico, Comunicacion y Desaroyo Sostenibel pa e desaroyo di industria agricola como un pilar di nos economia. Resultado di e estudio, cual ser financia pa Hulanda, lo bira parti di e maneho pa stimula e industria agricola.

Desde su aprobacion riba 21 di maart 2023 den conseho di minister, e 'Plan di Accion 2023-2025: Aruba su transicion pa un modelo economico sostenibel y inclusivo' ta den ehecucion pa desaroyo empresarial y uzo di tecnologia innovativo den e sector agricola. Cu e Agri Fund y Agri Business Academy den cooperacion cu Qredits Aruba den pleno ehecucion, riba peticion di minister Geoffrey Wever, conseho di minister a aproba e ampliacion di



e Landspakket; e estudio aki den sector agricola y tambe e financiamiento pa ehecuta esaki.

Despues di evaluacion mutuo y cu aprobacion, di tanto Gobierno di Aruba y Hulanda, e compania eschoi Priva / Greengrounds a cuminsa cu e investigacion riba e uzo optimal di "greenhouses" den agricultura comercial na Aruba. Durante e reunion digital cu Priva / Greengrounds y participacion di Departamento di Asuntonan Economico, Santa Rosa y CBS a elabora riba e diferente fasenan di e investigacion. Priva / Greengrounds ta premira cu pa december 2024 tin e resultado

final di e investigacion.

"Mi ta contento cu despues di un periodo di preparacion e investigacion riba e uzo optimal di tecnologia innovativo den e industria agricola. E estudio aki ta completa tur loke mi Ministerio ta haci pa stimula e desaroyo economico y diversifica Aruba su economia. E resultado lo forma e base pa e Agri Innovation Park cu lo trece solucionnan pa pusha e desaroyo di e industria agricola y asina diversifica Aruba su economia", segun minister Geoffrey Wever. Desaroyo di un Agri Innovation Park ta forma parti di e 'Plan di Accion 2023-2025: Aruba su transicion pa un modelo economico sostenibel y inclusivo'.

E aplicacion di e 'Landspakket' como instrumento ta trece structura pa e desaroyo di pais Aruba y ta facilita e creacion y ehecucion di varios proyecto concreto na un manera integral. Den e trayecto di 2021 padilanti, e cooperacion cu Hulanda a resulta di ta uno positivo cu a trece beneficio den forma di experticio, ayudo financiero y asistencia tecnico. 'Landspakket' ta un instrumento extra cu Aruba tin na su disposicion por avansa e maneho necesario y realisa e vision economico di Aruba den bienestar di tur ciudadano, y mester percura pa continua haci bon uzo di e cooperacion aki.



Minister Geoffrey Wever: Ley pa garantiza un cuenta bancario a keda cla

Riba peticion di minister demisionario Geoffrey Wever, consejo di minister a aproba e concepto di ley cu ta garantiza cu tur ciudadano y compania por habri un cuenta bancario basico, esta e Landsverordening Basisbetaalrekening. E siguiente paso ta encera cu Raad van Advies lo cu duna consejo riba esaki y pa despues present'e na Parlamento di Aruba.

Segun Minister di Asuntonan Economico, Comunicacion y Desaroyo Sostenibel, mr. Geoffrey Wever, exclusion financiero ta un desaroyo cu sigur tin su atencion.

Pues, un pilar di e maneho economico ta pa stimula inclusion financiero. "Cada ciudadano mester por tin un cuenta bancario basico pa por realmente participa den e sistema financiero. Tin hopi hende cu ainda no tin un cuenta bancario of ta wordo

nenga pa tin un cuenta bancario y esaki no ta acceptabel y pa e motibo aki Minister Wever kier introduci e ley aki.

Tin un cuenta bancario basico y e uzo di esaki ta un condicion necesario pa un economia duradero y fuerte. Pa crea e condicionnan necesario pa esaki, Minister Geoffrey Wever a pidi y ricibi di Centrale Bank van Aruba un concepto di ley pa stimula cada consumidor y compania pa por habri y uza un cuenta

bancario basico na Aruba. Diferente publicacionan di entre otro 'Organization for Economic Cooperation and Development', Banco Mundial y 'Europese Bankautoriteit' ta indica e importancia di inclusion financiero. Participacion den e sistema financiero tambe ta esencial pa desaroyo y ta den liña cu e principio di Sustainable Development Goal (leave-no-one-behind), no laga niun ciudadano atras.

Awor cu aprobacion di consejo di minister, e concepto di ley pa garantiza un cuenta bancario pa tur ciudadano ta cana e caminda legal pa wordo entrega na Parlamento di Aruba.

Ta importante cu nos tur por participa na e sistema di financiero. Sin un cuenta bancario nos ta exclui ciudadanonan y companianan di por spaar, haci y ricibi pagonan via un sistema sigur", minister Geoffrey Wever a expresa.

23 compania pa subi produccion di webo comercial na Aruba

Despues di anuncia riba 29 di september un "Open Call", Minister Geoffrey Wever ta anuncia cu un total di 23 empresario (aspirante) a demostra interes den produccion comercial di webo di galiña na Aruba. Registracionnan ricibi a duna informacion valioso di nos comerciantenan pa asina hunto pusha pa logra e meta di subi produccion comercial.

E 'open call' aki ta parti di e

maneho economico cu a keda aproba pa Consejo di Minister dia 16 di Augustus ultimo. Segun informacion di Departamento di Asuntonan Economico, den 2023 un total di 738 mil webo di galiña a wordo produci pa comerciantenan local, cu ta representa 15% di e total consumo di webo na Aruba.

E meta di e maneho di Ministerio di Asuntonan Economico ta pa redobla e cifranan di aña pasa y yega na 1.4 miyon

di unidad pa aña 2026 mirando e potencial pa e industria aki crece. E informacion ricibi di comerciantenan ta varia di entre otro pidi un permiso di negoshi te e necesidad di mas tereno pa por subi produccion comercial di webo di galiña na Aruba.

E resultado di e "open call" ta demostra cu nos comerciantenan tin e ambicion pa produccion local di webo di galiña yega 100 porciento", minister Geoffrey Wever a

expresa. E siguiente paso ta hunto cu e departamento concerni, resolve e diferente retonan cu comerciantenan a indica manera entre otro ampliacion di tereno. Cada comerciante lo ricibi un invitacion di Ministerio di Asuntonan Economico pa un session informativo cu e departamentonan DEZHI, Santa Rosa y DIP pa hunto pusha e industria di webo como pilar economico.

Minister Geoffrey Wever ta

gradici tur comerciantenan cu a participa na e "Open Call" pa stimula e industria di webo. "Ta importante e dialogo continuo cu comerciantenan pa hunto pusha e produccion di webo y no depende mas di importacion. E interes demostra ta subraya mas ainda nos compromiso pa duna e sosten y guia necesario pa logra nos ambicion cu como pais nos mes ta produci 100 porciento webo di galiña", segun minister Geoffrey Wever.

Abo ta cla pa gana 2 miyon 100 mil florin cu Lotto 5?

Sorteo miyonario ta diasabra anochi

Diaranson ultimo Lotto 5 no a conoce ningun ganador di e prome premio pero si tabata tin 2 feliz ganado cu a gana e segundo premio y cada un a gana e suma di Afl. 11.349,- Pero door cu pa prome premio no tabata tin ganado e jackpot ta sigui crece y pa diasabra awo e suma ta bira 2 miyon 100 mil florin! Lotto 5 ta costa solamente 4 florin pa ticket y bo por combina bo 5 numbernan for di 01 te cu 35, si bo no sa cua numbernan pa kies, bo ta puntra bo rebendedor pa un loco y asina bo ta den wega pa bira e siguiente miyonario y gana e jackpot di 2 miyon 100 mil florin cu Lotto 5.

Corda busca bo Lotto 5 di awe caba, pa asina bo no keda afo di e sorteo miyonario di diasabra anochi cu Lotto, e Loteria di Aruba. Tambe Lotto ta ofrecebo e opcion pa por cumpra bo weganan di Lotto Online, kiemen si bo no tin chens pa sali cumpra bo weganan preferi di Lotto, bo por cumpre for di bo smart phone, tablet of bo computer!

Si ainda bo no tin un cuenta di Lotto Online, bishita www.lottoaruba.com, traha bo cuenta di hungado y asina cu bo wordo aproba, bo por cuminsa hunga Lotto online tambe!

Si bo cumpra 2 set di number di Lotto 5 riba e mesun ticket

bo ta haya un set di number loco di Lotto 5 adicional Completamente Gratis ariba e mesun ticket! Si bo cumpra 4 set di number di Lotto 5 riba e mesun ticket bo ta haya 2 set di number loco di Lotto 5 gratis! Mas bo cumpra riba e mesun ticket, mas set di number gratis bo ta ricibi y asina bo tin mas chens di gana e premio miyonario aki! E campaña ta valido te cu dia 30 di november.

Sorteo di Lotto 5 ta hunga diasabra awo pa 7.45PM y por cumpra bo ticket na bo rebendedor favorito te cu 7.30PM.

Lotto, E Loteria di Aruba tin diferente wega, Catochi, Big 4, 1-OFF, Zodiac, Wega di



Number di Korsou di Lotto, Lucky 3, Multi-X, Lotto di Dia, Lotto 5, Mini Mega y cu su Mega Plus, y e diferente weganan di Raspa y Gana y Instacash. Tambe lo por hunga Lotto Online door di bishita: play.lottoaruba.com pa por registra. Cumprando

Lotto bo ta contribui na deporte riba nos isla. E meta ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.

Comite evaluando eutanasia na Canada ta descubri algun morto stimula pa miedo di keda sin cas y isolacion



(AP)—Un comite experto evaluando fayecimientonan di eutanasia den e provincia mas pobla na Canada a identifica varios caso unda pashentnan a puntra pa haya eutanasia parcialmente pa motibonan social manera isolacion y miedo pa keda sin cas, cual ta aumentando preocupacion tocante e aprobacionnan pa hende vulnerable den e sistema di morto asisti den e pais.

E medico forenses principal a suministra varios rapport diaranson—despues cu investigacion di AP—evaluando e mortonan di eutanasia di hende cu no tabatin enfermedad terminal. E rapport ta basa riba e analisis di e comite di experto riba casonan anonimisa, scogi pa nan consecuencia pa peticion di eutanasia den futuro.

E criteria legal di Canada ta rekeri un motibo medico pa eutanasia—un diagnosis of dolor intolerabel—pero e rapportnan di e comite ta presenta casonan unda hende a ser eutanisa a basa di otro factornan incluyendo un “necesidad social cu no a ser cumpli.” E investigacion di AP a descubri cu dokter- y nursenan ta bringando cu peticionnan di eutanasia pa hende vulnerable di ken nan sufrimento por ser adresa na placa, conexion social of vivienda adecuada. Proveedornan a expresa incomfortabilidad profundo pa termina e bidanan di hende vulnerable di ken nan morto tabata prevenible, hasta di nan a cumpli cu e criteria den e sistema di eutanasia permisible na Canada, conoci nacionalmente como MAiD, pa “medical assistance in dying” na Ingles.

“Pa porfin tin un rapport gubernamental cu ta reconoce e casonan aki ta extremadamente importante,” segun dr. Ramona Coehlo, un dokter riba e comite di experto. “Nos a ser engaña pa hopi aña ora nos a trece preocupacionnan dilanti tocante hende ricibiendo MAiD pasobra nan tabata pover, discapacita of socialmente isola.”

Den e caso di un homber identifica como Sr. A, e comite di experto di Ontario a cuestiona si autoridadnan a purba pa alivia su dolor prome cu el a ser eutanisa. Sr. A tabata un homber desemplea den su 40 añanan cu un malesa di tripa y un historia di abuso di substancia y problema di salud mental. A describi’e como “socialmente vulnerable y isola.” Algun miembro di e comite tabata alarma cu un psiquiatra a sugeri eutanasia durante un evaluacion di salud mental.

Eventualmente, Sr. A aser busca y hiba na un sitio unda el a ricibi eutanasia—un transgresion di bareranan profesional, segun algun miembro di e comite. Nan a bisa u esey por “a crea presion y causa un percepcion di pura un persona pa morto.”

Un otro caso a detaya Sra. B, un señora den su 50 añanan sufriendo di varios sindroma di sensibilidad kimico, cu un historia di problema di salud mental incluyendo suicidalidad y PTSD. E tabata socialmente isola y a puntra pa muri mayormente pasobra e no por haya vivienda adecuada, segun e rapport.

Miembronan di e comite no por a acorda si e su morto tabata hustifica; algun a bisa cu pasobra su vivienda inadecua

tabata e motibo principal di su sufrimento, e mester a ser descualifica di ricibi eutanasia. Otronan a argumenta cu “necesidadnan social por ser considera iremediable” si ya a explora otro opcion.

Dr. Sonu Gaiind, presidente di psiquiatria na e Sunnybrook Hospital na Toronto, a bisa cu e rapportnan di e medico forenses ta alarmante pa varios motibo, notadamente e mancho di salud mental den esnan buscando pa haya eutanasia.

“Loke nos ta haciendo den hopi caso ta al contrario di prevencion di suicidio,” el a bisa, citando un ehempel di un homber den su 40 añanan cu a purba di termina su mesun vida den pasado y no tabatin un diagnosis definitivo ora su eutanasia a ser aproba.

Dr. Scott Kim, un fisico y bioeticista na e National Institutes of Health na Washington, Merca, a bisa cu e problema di berdad ta e naturalesa permisible di Canada su ley.

A pesar cu encuestanan ta muestra apoyo amplio pa expande e acceso na eutanasia, el a cuestiona si mayoria Canadense ta compronde kico ta permisible y a bisa cu ta “sorprendente” cu oficialnan no considera e asuntonan aki den pasado.

E comite a haci varios recomendacion, incluyendo asignando defensoran di pashent pa duna sosten na hende considerando eutanasia y provee mas guia na dokter- y nursenan cu ta evalua peticionnan di pashentnan no terminal.

E comite tambe a nota cu probablemente no a cumpli cu e proteccionnan legalmente obligatorio den casi 2 porciento di casonan. A pesar di esey, expertonan ta bisa cu ningun dokter of nurse a ser procesa.

Te awo, Ontario ta e unico provincia of teritorio na Canada pa publica resumennan di caso u por señala problemnan den aprobacion di eutanasia. E investigacion di AP tambe a haya data cu ta sugeri cu un cantidad di hende eutanisa sin cu nan tabata muriendo ta biba den e areanan mas pover den e provincia. Diaranson, e medico forenses di Ontario a publica esey tambe, mustrand cu hende puntrando pa ricibi eutanasia tabatin mas chens pa rekeri sosten di discapacidad y ta isola.



De Aruba Fair Trade Authority (AFTA) zoekt nieuwe collega

De AFTA is de onafhankelijke markt- en consumenten autoriteit van Aruba. Als zelfstandig bestuursorgaan met rechtspersoonlijkheid bevorderen en bewaken we consumentenbescherming en eerlijke concurrentie op markten in Aruba. Dit betekent dat wij ervoor zorgen dat bedrijven op de hoogte zijn van hun verplichtingen als het gaat om eerlijke concurrentie en de collectieve rechten van consumenten. Als bedrijven gebruik maken van oneerlijke handelspraktijken en consumenten misleiden kunnen we de regels handhaven. Hiervoor beschikken we over effectieve onderzoeks- en handhavinginstrumenten. De AFTA kan bijvoorbeeld schriftelijke en mondelinge informatie opvragen en aangekondigde en onaangekondigde bedrijfsbezoeken afleggen. Bedrijven zijn verplicht medewerking te verlenen aan een onderzoek van de AFTA op straffe van een boete. Daarnaast adviseren wij de overheid, zowel gevraagd als ongevraagd, over de gevolgen voor consumenten van bestaande en voorgenomen regelgeving en over de werking van markten op Aruba. De AFTA is een geïntegreerde markttoezichthouder die zowel mededinging tussen bedrijven bevordert als consumenten beschermt. Wij zijn op zoek naar een kandidaat voor de functie van (senior) onderzoeker.

De functie:

- Verricht complexe onderzoeks- en/of toezichtsactiviteiten op naleving van mededingings- en consumentenwet- en regelgeving;
- Inventariseert, analyseert en evalueert relevante ontwikkelingen, analyseert het belang ervan voor het werkterrein van de AFTA en het strategisch onderzoeksbeleid;
- Draagt zorg voor het opstellen van beschikkingen, schriftelijke verslagen en/of andere onderzoeksdocumenten;
- Het opbouwen en bijhouden van zaakdossiers;
- Beheert en onderhoudt een digitaal loket waar consumenten meldingen kunnen indienen.
- Zorgt voor vertaling van consumentenrechten naar oplossingen (zoals standaard brieven) waarmee consumenten hun recht kunnen halen.
- Organiseert voorlichting over de rechten van consumenten

Functievereisten en competenties:

- HBO/WO opleiding in juridisch en/of economische richting;
- 2 jaar relevante werkervaring is een pré;
- Begrip van financiële, economische en juridische verbanden binnen een brede context
- Multidisciplinaire oriëntatie en analytische vaardigheden
- Integer, transparant, verantwoordelijk en zorgvuldig in je optreden als toezichthouder
- Uitstekende mondelinge en schriftelijke communicatieve vaardigheden
- Levert een bijdrage aan een positieve werksfeer en ‘teamspirit’

Wil je als (senior) onderzoeker bij de AFTA aan de slag en voldoe je aan de gestelde eisen? Stuur dan uiterlijk 1 december 2024 je motivatiebrief en bijbehorende curriculum vitae gericht aan dhr. E. Kross MSc., info@afta.aw. Voor meer informatie over de AFTA kan je onze website bezoeken: www.afta.aw

Minister Javier Sylvania ta atende oposicion na Corsou su HAP

(CuraçaoChronicle) - Minister di Salud, Javier Sylvania di partido MFK a responde riba diaranson na e criticanan di CHV, lidera pa Alexandra Serv-ing, durante un reunion publico di Staten.

El a declara cu e interesnan financiero ta e motibo primario pa e resistencia contra e Huisartsen Post (HAP).

Sylvania a enfatisa e necesidad pa pone un banda interesnan individual na fabor di e bon comun cu HAP ta representa. "E esencial pa garantisa

un sistema di cuida di salud cu ta beneficia tur hende y ta cumpli cu e necesidadnan di e comunidad," el a declara.


Segun e Minister, CHV ta pidiendo salario mas halto pa añanan largo sin exito, cual e ta jere a causa frustracion entre algun dokter di cas. Sinembargo, el a nota cu varios dokter di cas a expresa satisfaccion cu HAP.

Sylvania a enfatisa cu HAP a trece dilanti mehoracion significativo compara na structuranan anterior, garantizando e disponibilidad di cuida

di salud pafo di oranan di oficina regular. Apesar di preocupacionnan for di miembronan di parlamento pa loke ta trata e costo di HAP pa gobierno, e Minister di salud, cu tambe ta Minister di Finanzas, a clarifica cu e dokternan di cas anteriormente a ricibi solamente 1 florin pa luna pa cada pashent registra na SVB. Den aña 2023, esaki a yega na un cantidad di 1.7 miyon florin di e tesoreria di estado. El a garantisa cu e establecimiento di HAP a alivia e gobierno di e peso financiero aki.



Peticion tocante fayecimento di muhe na aeropuerto Hato nenga



(CuraçaoChronicle) - Un peticion pa un ora di pregunta tocante e fayecimento di Leana Carbonell Alvarado na aeropuerto Hato a ser nenga. Parlamentario pa e partido den oposicion PNP Gwendell Mercelina a entrega e peticion.

Segun e declaracion di Minister di Husticia Shalten Hato, e departamento di investigacion nacional ya caba a lansa un investigacion independi-

ente, separa for di e investigacion interno cu forsa policial di Corsou KPC a conduci.

Leana Carbonell Alvarado a fayece dia 2 di october mientras e tabata bao supervision di autoridadnan di Corsou. Testimonio di testigonan a indica cu su salud a deteriora y su peticionnan pa asistencia medico no a keda atendi na tempo.

Esaki ta trece dilanti preocupacionnan cu Alvarado su

derecho na cuida di salud a ser nenga. Despues di e resultadonan di e investigacion interno, e minister a acerca e Procurador General pa dialoga tocante e posibilidad di mas investigacion di departamento nacional di investigacion.

Adicionalmente, segun e minister encarga cu husticia, Minister Hato, e ta buscando claridad riba si a cumpli cu e proceduranan apropia den e caso aki.

Premier di Corsou ta propone task force pa atende preocupacionnan pa desaroyo di lama

(CuraçaoChronicle) - Corsou su Prome Minister Gilmar Pisas ta urgiendo un cambio den perspectiva pa loke ta trata e desaroyo di e areanan di lama Lagun y Jeremi.

Durante un forum publico

organisa pa e gobierno anteriormente, Pisas a propone forma un task force pa atende e preocupacionnan di comunidad local y stakeholder den e regionnan aki. El a enfatisa cu residentenan, expertonan y organisacionnan mester colabora pa asina haya solu-

cionnan cu ta aceptabel pa tur partido.

Pa algun tempo caba, e residentenan di Lagun y Jeremi a expresa preocupacion tocante proyectonan di desaroyo planea den nan areanan. Segun Pisas, e diseño pa e lamanan a ser crea pa arkitectonan hoben cu ta ofrece un manera fresco y moderno pa e desaroyo. El a enfatisa cu generacionnan mas grandi mester ta habri pa e cambionan aki, reconociendo cu e mundo ta constantemente den evolucion. "Como un lider, mi kier para tras e vision aki pa asina mi por ta orguyoso di e progreso cu mi a logra pa Corsou," Pisas a expresa.

Varios problema a ser treci dilanti durante e forum. Un critica grandi tabata e falta di rol di e residentenan local den e proceso di plan pa Lagun y Jeremi su desaroyo. Pisas a admiti e preocupacion aki y a priminti cuminsa cu lo interactua mas activamente cu e poblacion. Tambe el a considera sugerencia for di miembro di Parlamento Ste-



ven Croes, ken ta boga pa involucra tur stakeholder pa preveni mal comprension di otro.

Pisas a declara cu accion pronto ta necesario, mirando cu e ta financiamiento reserva pa e desaroyo di lama cu tin mester di ta utiliza pronto. Si no, e financiamiento por caduca y keda redirigi pa otro propositonan. Pa evita esaki, el a urgi e task force entrega solucionnan concreto dentro di algun luna.

Mientrastanto, experto legal Jeff Sybesma a adverti cu construcion riba Corsou su lamanan publico na Corsou manera Lagun, por potencialmente ta den violacion di ley. Segun Sybesma, lamanan ta legalmente propiedad di e estado y por ser bendi na of

usa pa tercer partidonan cu permiso special so.

El a enfatisa cu cualkier construcion reduciendo espacio di lama publico sin autoridad legal por ta ilegal, mirando cu e topiconan aki ta regula pa legislacion nacional. "E parlamento ta goberna e lamanan, no e gobierno," sybesma a remarca.

E task force cu a propone lo inclui representantenan di gobierno, residentenan local, organizacion ambiental Carmabi, culpa di maneho di tereno publico Domeinbeheer, Ministerio di Trafico, Transportacion y Plan di Espacio y e arkitectonan involucra den e proyecto di desaroyo di e lama.

ONDER CURATELESTELLING

Bij Beschikking 11 Oktober, 2024 behorende bij nr. AUA202401956 van het Gerecht in Eerste Aanleg van Aruba, is onder curatele gesteld mw. Juliana Sylvania Croes, geboren op 9 Januari, 1948. Benoemd als curator is, de heer, José Oswaldo Enrique Laclé geboren op 3 Januari, 1975.

De curator,

De heer José Oswaldo Enrique Laclé



Cuminsando cu 4 florin, bo por gana e suma grandi aki

Afl. 2.100.000,-

Obtenibel na cualkier rebendedo di Lotto.



HUNGA AWO

sorteo ta diasabra anochi 7:45 pm



Definicion nobo tin menos Hulandes bibando den pobresa

(nltimes.nl) - Menos hende na Hulanda ta biba den pobresa compara cu calculacionnan anterior, gran parti debi na un definicion nobo di pobresa traha door di CBS di Hulanda, instituto di presupuesto Nibud y Instituto Hulandes pa Investigacion Social (SCP). E definicion nobo tin 540 mil Hulandes bibando den pobresa aña pasa. Segun e calculacionnan bieu, e cantidad aki tabata 820 mil.

Aña pasa, e liña di pobresa tabata 1,510 euro pa luna pa un persona soltero y 2,535 euro pa un pareha cu dos yiu chikito. E investigadornan tabatin cinco diferente manera pa calcula pobresa. Pa e rapport aki, nan a desaroya un metodo nobo di midimento, cu nan tur lo sigui usa.

Segun e instancianan involvi, e metodo nobo ta mas exacto. E no ta wak solamente e en-



trada y gastonan fiho di un cas pero tambe su activonan. Por ehempel, un famia cu no tin entrada, pero ta spaar hopi y no tin debe, no ta wordo considera pover mas. E definicion nobo ta nifica tambe cu e cantidad di hende cu ta biba den pobresa a baha mas duro cu den calculacionnan anterior. E grupo aki a reduci mas cu mitar den cinco aña. Sinembargo, e grupo cu ainda ta biba den pobresa tin problemanan di placa mas grandi.

Apart di e definicion nobo,

e bahada den e cantidad di hende cu ta biba den pobresa tin varios causa. Aumento di salario tabata faborabel na 2019, medidanan di sosten di coronavirus a yuda casnan di entrada abou den e pandemia, despues a bin e subsidio di energia durante e crisis di energia na 2022 y salario minimo y e beneficiacion relaciona a aumenta aña pasa.

Pero tur e medidanan aki no por a preveni e grupo cu a keda pover di mira nan problema di placa aumenta, den averahe. Na 2018, casnan po-

ber tabata, como promedio, 10% bou di e liña di pobresa. Aña pasa esey a aumenta te na 16%.

E investigadornan a tuma nota di un cambio den e grupo di Hulandes cu ta biba den pobresa. Antes e grupo aki tabata consisti principalmente di personanan cu tabata biba di ayudo social. "Compara cu 2018, tabatin relativamente mas hende pover trahando aña pasa cu tabatin hende riba bijstand cu tabata pover. Hende pover cu ta traha tin un deficit di entrada mas grandi cu hende pover riba bijstand," asina e economista di CBS Peter Hein van Muligen a bisa. Segun CBS, e grupo di trahadonan pover ta consisti principalmente di trahadonan part-time y hende cu ta traha pa nan mes cu ta gana poco di nan negoshi.

Amsterdam tin e tasa di pobresa relativo di mas halto, cu 6.6% di e habitantenan di

Amsterdam bibando bou di e liña di pobresa. E municipio di Vaals tin e di dos tasa di pobresa mas halto (6.4%), sigui pa Rotterdam (6.2%), Den Haag (6.1%) y Vlieland (6%).

Roozendaal tin, te aworaki, e tasa di pobresa mas abou na 0%. Hilvarenbeek, Oost Gelre y Dinkelland tur tambe ta bou di 1%. E promedio nacional ta 3.1%.

"Pobresa hopi biaha ta compaña pa un salud fisico y mental mas malo, un sentido di autoestima reduci y por conduci na exclusion social. E ta afecta e resiliencia di hende y den hopi caso ta conduci na un confiansa mas abou den e gobierno," Karen van Oudenhoven di SCP a bisa. "Crecemento den pobresa tambe hopi biaha tin consecucionan negativo pa e rindimento educativo di muchanan y perspectivanan pa futuro."

Fondonan grandi ta frena expectativanan di aumento di pensioen

(nltimes.nl) - Varios fondo grandi di pensioen ta frena e expectativanan tocante un posibel aumento di pensioen. Fondo di metal PME a bisa cu e posicion financiero ta "insuficiente ainda" pa implementa un aumento di pensioen pa fin di e aña aki. E fondo di pensioen pa e industria di metal y electrico PME a adverti cu un posibel aumento den pensioen lamentablemente lo ta "chikito." Fondo di cuida di salud PFZW anteriormente a bisa cu pensioen probablemente lo keda mescos otro aña mescos cu e aña aki.

Esey lo nifica cu hopi pensionado probablemente lo no, of dificilmente lo mira nan pensioen aumenta pronto. E tasa di interes mas abou ta nifica cu e fondonan mester pone mas placa un banda pa cumpli cu obligacionnan di pensioen den futuro. A pesar di rendimentonan solido di



inversion, nan a mira nan posicion financiero deteriora e ultimo kwartaal.

Di e fondonan grandi cu a atende e tema den nan rapportnan trimestral, e fondo di ambtenaar ABP ta parce di ta esun mas positivo. "Afortunadamente, ABP ta permiti pa usa reglanan mas flexibel, mescos cu den e tres añanan

anterior, cu ta permiti nos aumenta mas. Esaki ta permiti pasobra nos lo cambia pa e sistema di pensioen renoba na 2027," asina presidente di directiva Harmen van Wijnen a bisa. Ainda e no por duna ningun siguransa tocante pensioen pa otro aña, ya cu ABP, mescos cu e otro fondonan, lo no tuma un decision formal te cu e herfst aki.

ABP a bisa cu e lo kier indexa, pero cu e tin "algun siman di hopi stress" su dilanti ainda. Si e pensionnan na e fondo di pensioen di mas grandi di Hulanda por aumenta, e lo ta cu un maximo di 3.56%. ABP lo mira e posicion financiero na final di october y e aumento di prijs entre 1 di september aña pasa y 1 di september di e aña aki pa su

decision. CBS Hulanda a calcula inflacion na e porcentahe ey pa e periodo aki.

Cada fondo ta haci su propio evaluacion. Debi na e incertidumbre tocante desaroyonan di interes y e mercadonan financiero, PME a dicidi na april pa no usa regulacionnan suavisa den e preparacion pa e sistema nobo. Director di PME Eric Uijen a emiti un "advertencia di ganashi" cu e cifranan trimestral di e fondo. "Un posibel aumento di pensioen lamentablemente lo ta chikito e aña aki."

E fondonan tambe kier ta bon prepara pa e cambionan binidero den e sector. PFZW a bisa caba na juli cu e kier ta cauteloso cu aumento y bahamento di pensioen den e preparacion pa e sistema nobo. Esaki ta pa por start e sistema nobo na un manera financieramente saludabel.

Bolivia: A dispare hoben cu a denuncia Evo Morales pa violacion

(LibertadDigital) - Ministerio Publico di Bolivia ta investigando e ex-presidente di e pais, Evo Morales, pa delitonan di “traficacion di hende” y “violacion” relaciona cu e denuncia di un dama—di 23 aña—cu ta acus’e di a viol’e y lag’e na estado tempo cu e tabata menor di edad. E sucesonan lo a tuma luga entre 2014 y 2016. Ora e supuesto victima a sali na estado, e tabatin 15 aña y Morales tabata mandatario.

Aunke e ta nenga e acusacionnan, Morales no a presenta pa declara siman pasa na Ministerio Publico di Tarija. E no a haci’e pa motibo cu su bida—segun e ta bisa—tabata na peligro. Un di su abogadonan, Nelson Cox, a indica cu no tabatin suficiente garantia pa e por a haci’e na un manera sigur, a pesar di e despliegue di 600 efectivo cu tabata t’ey precisamente pa e obhetivo ey.

Supuestamente, ora cu e no a presenta, mester a saca un orden di detencion contra

dje. De hecho, Ministerio Publico a anuncia esaki. Pero, segun e minister di Gobierno di Bolivia (ekivalente na minister di Interior na Spaña), Eduardo del Castillo, polis no a ricibi ningun orden di detencion contra e homber cu tabata presidente di e pais entre 2006 y 2019.

Mientras tanto, e atmosfera ta sigui kenta. Den e ultimo dianan, bosnan nobo a sali na cla cu abiertamente ta acusa Morales di abuso sexual di menornan di edad. Di otro banda e siguidonan di e ex-mandatario ta sigui blokia camindanan den centro di e pais pa exige pa cera e investigacion contra e lider socialista, loke nan ta acusa di persecucion politico.

Esaki ta e contexto den cua tanto e mucha muhe cu a acusa Morales di e crimenan serio aki como e yui muhe cu a nace for di e relacionnan no consensual entre nan dos. Algo cu ta bao investigacion si por a ser aproba y/of scondi pa famia di e menor di e tempo ey. Su tata a keda aresta dia 11 di october y su



mama ta un fugitivo. P’esey Polis a dicidi di habri un investigacion “di oficio”, segun minister Del Castillo a confirma. E Division di Traficacion di Hende y Contrabando di e Forsa Special pa Combati Criminalidad (Felcc) den e region di Tarija a emiti e aviso di buskeda pa tur dos di nan, kende nan pista a perde dia 2 di october.

“Desde e fecha ey, su paradero ta desconoci,” e declaracion ta bisa. Cindy Sarai Vargas Pozo y su yiu muhe di 8 aña a ser mira “pa ultimo biaha”—e alerta ta indica—alrededor di 6:00 p.m ora di diaranson di e dia 2, ora cu nan tabata den vecindario di un scol Adventista den e ciudad di Yacuiba, hopi cerca di Argentina.

Medionan local ta raporta e supuesto intento di secuestro di e dama y e mucha muhe, hustamente e dia ey na porta di e centro educativo menciona, brindando como prueba varios video—cu a bin ta circula riba rednan social—den cual por mira con e personanan cu tabata na e sitio tabata impedi na otronan pa hinca dos persona den un auto.

Corte Superior di Bogota a rechasa proteccion cu a busca pa stop investigacion di CNE di Gustavo Petro

(Infobae) - Corte Superior di Bogota a rechasa un accion di tutela presenta pa representante na Camara pa Pacto Historico, Heracleito Landínez, cu a busca pa anula e investigacion di Consejo Nacional Electoral (CNE) contra e campaña presidencial di Gustavo Petro.

E investigacionnan aki ta relaciona cu supuesto irregularidadnan den financiamiento di su campaña presidencial di 2022. E decision di corte tabata basa riba e inadmisibilidad di e peticion, segun medionan di comunicacion.

Landínez a argumenta cu e investigacion di CNE por conduci na retiro di Petro, loke lo afecta su derecho di eligi y ser eligi, como tambe esun di 11 miyon Colombiano cu a vota pa presidente.

Sinembargo e huesnan di corte, Nubia Angela Burgos Díaz, Jaime Humberto Araque Gonzalez y Carlos Alejo Barrera Arias, a conclui cu ningun derecho fundamental di e congresista a ser viola, ya cu su derecho di scoge a ser eherci completa-



mente na e momento legal correspondiente.

Corte a señala tambe cu Landínez no tabatin derecho pa pidi proteccion, ya cu e no tabata e titular di lo cual el a reclama y no a prueba un circunstancia serio cu lo a stroba e partido interesa directo di eherce su propio derecho. Ademas, e congresista tabata kier pa CNE traspasa e investigacion pa e Comision di Acusacionnan di e Camara di Representantenan, loke tam-

be a keda rechasa.

E investigacionnan di CNE a origina na 2022 despues di a ricibi varios keho, incluyendo un anonimo, tocante posibel irregularidadnan den e rapportnan di entrada y gasto di e campaña presidencial di Petro. E kehonan aki ta enfoca riba e campaña di Pacto Historico y ta cubri tanto e prome como e di dos buelta di e eleccionnan presidencial di e aña ey.

A pesar di Landínez su preocupacionnan tocante e impacto di e investigacionnan aki, corte a determina cu no tabatin base pa stop e proceso y a sigura cu e investigacionnan mester sigui na autoridadnan competente. E caso ta keda un asunto di interes publico debi na e implicacionnan politico y huridico cu e por tin pa e mandatario y su administracion.

Consejo Nacional Electoral (CNE) ta enfrente un adver-

tencia di Agencia Nacional di Defensa Huridico di Estado tocante e posibel consecucionan huridico di investigacion di presidente Gustavo Petro pa supuesto financiamiento ilicito di su campaña presidencial. Di acuerdo cu un documento cu e Agencia a manda pa CNE dia 15 di october, e decision pa investiga e mandatario por resulta den demanda nacional y internacional, ta compromete seriamente e responsabilidad di Estado.

E documento, firma pa Juan Carlos Delgado D’aste y Yebrail Andres Haddad Linero, directornan di Defensa Huridico Nacional y Internacional respectivamente, ta sostene cu CNE lo ta violando e derechonan politico di e mandatario door di sigui cu e investigacion. E Agencia ta argumenta cu CNE ta carece di competencia pa investiga un presidente, ya cu e funcion aki ta coresponde na e Comision di Acusacionnan di e Camara di Representantenan. Ademas, ta ser señala cu CNE lo ta violando hurisdiccion presidencial y e derecho di Petro riba un debido proceso.

Puerto Rico: Departamento di Salud ta adverti tocante aumento significativo di casonan di dengue

(ElNuevoDia) – Cu 179 registro nobo, segun e informe mas recien, e Departamento di Salud a alerta cu e casonan di dengue reporta na Puerto Rico a aumenta na 3.877 y tin seis morto asocia cu e virus te cu aworaki pa aña 2024.

“E datonan recien ta indica cu Puerto Rico ta enfrente un aumento significativo den e casonan di dengue. E concentracion di casonan na cierto municipio- y gruponan di edad ta rekeri e atencion inmediato di nos tur,” dokter Melissa Marzan, oficial principal di epidemio-

logia di Salud, a subraya. “Ta esencial pa nos ta bon informa y pa nos actua pa evita e picadura di sangura y e propagacion di e enfermedad,” el a agrega den declaracionnan por escrito.

E municipionan mas afecta ta San Juan, Carolina y Rincon, cu un cantidad di caso mas halto den e gruponan di edad di 40 pa 59 aña, 15 pa 19 aña, y 10 pa 14 aña. E datonan mas reciente ta coresponde na e siman epidemiologico 39, cu ta transcuri di 23 pa 29 di september. Pa e siman 39 di aña 2023, e casonan reporta tabata 25.

Durante e aña aki a reporta, den total, 2.088 (23.86%) hospitalisacion pa motibo di dengue. Di e total di casonan cu test di laboratorio positivo, 228 (5.88%) ta cumpli cu e definicion di dengue severo of grave di e Organi-

sacion Mundial di Salud di 2009. E mayoria di e casonan, ademas, ta coresponde na dengue tipo 3, cu, por lo menos, un 51.86% di e diagnosticonan.

Ademas di e seis mortonan confirma, Salud a informa cu tin un fayecimento adicional bou investigacion.

Marzan a subraya e importancia di realisa e test di dengue ora cu dokter indica, y a recorda cu tin un centro di test gratis disponibel na e Hospital Universitario Dr. Ramon Ruiz Arnau, na Bayamon.

Mirando e aumento di casonan durante e temporada halto di dengue, e secretario di Salud, Carlos Mellado Lopez, a pidi e poblacion pa reforsa e medidanan di prevencion contra su propagacion, na mesun momento cu el a adverti tocante e riesgonan cu e enfermedad viral aki

ta representa, transmiti pa e sangura Aedes aegypti.

“Nos ta den e pik di e temporada di dengue y ta crucial pa cada ciudadano tuma un papel activo den su prevencion. Esaki ta implica elimina e criaderonan di sangura den nos hogar- y comunidannan, usa repelente y proteha nos muchanan,” Mellado Lopez a bisa.

“E salud di nos poblacion ta depende di nos accion, di nos tur,” el a agrega.

Puerto Rico ta bou un epidemia di dengue for di 25 di maart ultimo. Cu excepcion di e prome simannan di 2024, e cantidad di casonan a keda riba e limite epidemico y, durante e aña, el a keda riba e promedio historico, como tambe riba e cantidad di casonan pa cada siman epidemiologico den 2023.

Republica Dominicana: Reforma fiscal por pone den peligro inversionnan

(DiarioLibre) – E Comision de Hacienda di e Camara de Diputados di Republica Dominicana, cu ta analisa e propuesta di reforma fiscal, a reuni diamars henter dia cu diferente sector economico cu por wordo afecta si e proyecto wordo aproba manera cu e presidente Luis Abinader a propone.

E tema recurente di cual tabata e di tres encuentro di e tipo aki celebra pa e legisladornan tabata e eliminacion di e incentivonan fiscal otorga na e sectornan turistico, empresarial y industrial.

E directivonan di e gruponan economico a acudi dilanti e comision cu un argumento comun: elimina abruptamente e incentivonan fiscal ta bay perhudica e inversionnan na e pais y ta pone den peligro e competitividad.

E presidente di e Asociacion de Indsutriales di Republica Dominicana (AIRD), Julio Brache, a splica cu e propuesta di reforma fiscal, den caso cu e wordo aplica, ta drenta na vigor na comienso di 2025, net ora cu e Tratado di Comercio Liber entre Centro America y Republica Dominicana (DR – CAFTA) tambe ta drenta na vigor, loke lo por afecta e sector productivo y e inversionnan dirigi na esaki.

Brache a sostene cu e sector industrial tin mester di e incentivonan fiscal pa competi cu industrianan mas grandi, manera esun di Merca, y pa haci un renobacion den su aparato productivo cu lo permiti nan genera empleonan y aporta na e Producto Interno Bruto (PIB).

E diputadonan a reuni tambe cu checutivonan di e Asociacion de Hoteles y Turismo

di Republica Dominicana, Asonahores, kendenan a rechasa e eliminacion di e incentivonan alegando cu e inversionnan andando mester wordo cuida.

David Libre, presidente di Asonahores, a splica cu actualmente nan ta ehecutando proyectonan turistico grandi cu inversionnan miyonario cu lo por ta den peligro si e incentivonan fiscal wordo elimina, manera cu ta wordo proponi den e reforma. El a sostene cu e sector ey ta aporta alrededor di un 30% di e divisanan na e pais, door di cual nan mester conta cu un mecanismo cu ta proteha nan inversionnan.

“Nos ta kere cu nos por sigui aporta mas cu e incentivonan cu si elimina esakinan pasobra nos ta debolbe na e Estado te hasta 12 biaha mas di nos gastonan tributario.”

Di su banda, Celso Juan Marranzini, presidente di e Consejo de la Empresa Privada (Conep), a apunta cu e proyecto di reforma fiscal mester tene na cuenta e capacidad di e empresanan pa genera empleo y e garantia di e inversionnan na e pais cu, el a coincide cu Libre, “mester wordo cuida.”

Memey di e debatenan di e reforma fiscal den e Congreso, e comision de Hacienda a lidera algun bishita publico ayera. Eynan diferente sector social y empresarial a expone nan observacionnan tocante e propuesta di reorganizacion tributario cu Abinader ta sugeri.

Durante e siman aki, pafo di e Congreso a tuma luga protestanan contra e reforma fiscal a instala un campamento. Tin posternan cu ta pidi e retiro total di e proyecto door di considera cu e ta deteriorante pa e sociedad.



ELMAR OPEN DAG

EVENTO GRATIS BINI UN BINI TUR!

1. Live demonstration pa consumo consciente
2. Demonstracion di distribucion di coriente
3. Exhibicion di ELMAR su historia na Oranjestad celebrando 200 aña di Oranjestad
4. Info booth pa keuring di sistema di solar panel y instalacion di coriente.

Team di keuring di ELMAR instaladonan reconoci y DTI lo ta presente!

5. Info booth di vehiculonan electrico y ELMAR su EV ChargeUp chargers netwerk rond di Aruba.

Distribuidor di vehiculo electrico y team di EV ChargeUp di ELMAR lo ta presente!

**KIDS CORNER • ELEKTRISCHE SPELLEN
LIVE MUSIC • BAR Y CUSHINA BON SURTI!**

DIADOMINGO, 20 DI OKTOBER 2024 | 9 AM - 2 PM | ELMAR ORANJESTAD

Autoridadnan Argentino lo investiga kico a sosode prome cu Liam Payne su caida fatal

(AP) - E circunstancianan alrededor di e fayecimento di cantante y ex miembro di One Direction Liam Payne tabata sospechoso, mirando cu tin posibel rol di droga segun e fiscalnan Argentino.

Payne, di 31 aña y fayeci diaranson, a yega fama como hoben y a lucha cu e presionnan di fama global.

Fanaticonan y media a aglomera na Casa Sur Hotel den e bario Palermo di Argentina su capital mirando cu expertonan forensico a colecta evidencia un dia despues cu Payne a ser haya morto den e hotel su courtyard despues di cay for di su camber na e tercer piso.

E polis di Buenos Aires a bisa cu nan a haya Payne su cam-



ber "completamente slordig" cu "varios articulo kibra." Nan a haya paki di clonazepam, un medicamento cu ta surpimi e sistema nervioso central, conhuntamente cu suplemento pa energia y demas medicamento tira hunto cu su pertenencianan. Ekiponan forensico a reporta cu un boter di whis-

key, lighter y telefon a ser retira for di e courtyard interno unda Payne su curpa a ser haya. Ministerio Publico (OM) Argentino a bisa cu e autopsia a demostra varios sangramento interno y 25 herida traumatico riba Payne su curpa, incluyendo su cabes, extremonan y abdomen, cual ta consistente



cu e caida. El a bisa cu e heridanen aki so ta suficiente pa causa Payne su fayecimento.

No tabatin ningun señal di un tercer partido hungando un rol, sinembargo a describi Payne su caso como "sospechoso," citando e posibilidad cu e celebridad tabata consumiendo alcohol y droga na mesun tempo.

E falta di heridanen defensivo riba Payne su mannan a indica cu e "no a adopta un postura reflectivo pa proteha su mes y cu e por a cay den un estado di semi- of total inconsciencia," OM a comenta.

Evidencia colecta for di e escena, e declaracion a agrega, a sugeri cu Payne tabata "pasando door di un tipo di episodio di abuso di substancia." El a bisa cu tur señal ta den direccion cu Payne tabata su so na e momento cu e incidente a sosode.

Examinadornan medico a nombra Payne su causa di fayecimento como "varios trauma" y "sangramento interno y externo," ademas di pidi testnan di toxicologia. Autoridadnan a bisa cu nan a tuma declaracionnan for di 3 empleado di hotel y dos hende muhe cu a bishita Payne den su camber di hotel oranan prome cu e caida den un esfuerzo di reconstrui Payne su ultimo momentonan. E dos hende muhe a bay for di e hotel pa

ora cu e incidente a sosode, segun OM.

Fanaticonan, ambos di exterior y local, tabata filtrando via e caya pafo di Payne su hotel riba diahuebs. Varios mucha muhe, yen di lagrima, a pausa y sinta den un silencio dilanti un memorial traha cu candela, flornan colorido y pancartanan di One Direction traha na man.

Tributonan tambe a cuminsa yega for di figuranan den e industria di musica y demas musiconan.

Riba diaranson, polis a bisa cu Payne "a bula for di e balcon di su camber," sin elabora riba con nan a yega e conclusion aki ni tampoco si e bula tabata intencional. Polis a bisa cu nan a core dreña e hotel den respuesta na un yamada di emergencia net despues di 5or ora local riba diaranson cu a adverti di un "homer agresivo cu por ta bao influencia di droga of alcohol."

Un manager di e hotel por ser scucha ta yama 911 riba grabacion obteni pa The Associated Press bisando cu e hotel ta un "invitado cu ta abruma cu droga y alcohol. ... E ta destrosando henter e camber y, well, nos tin mester pa boso manda un hende, please."

One Direction a anuncia un pausa indefinido den aña 2016 y e miembronan, di mesun manera cu Payne, a persegui un carera como solista. Den aña 2020, pa celebra e di 10 aniversario di One Direction, Payne a comparti imagen di un mensahe di texto cu el a manda na su tata riba e dia cu el a uni e grupo, cual tabata bisa: "Mi ta den un banda."

"E tabata un biahe .. mi no tabatin ningun idea di kico tabata wardando nos ora cu mi a manda e mensahe aki na mi tata añanan pasa na e momento exacto cu e banda a keda forma," el a skirbi.



Mi Bario Limpi

NATIONAL CLEAN UP DAY

Uni bo mes na e accion **di limpieza mas grandi den historia di Aruba!**

Esaki ta bo oportunidad pa aporta na un Aruba dushi sin sushi, cuminsando den bo mesun bario! **Traha bo grupo di amigo, famia y colega pa bira parti di e movecion** pa hasi nos **Aruba completamente limpi!**

Date:
9 November 2024


Time:
6 am - 10 am

INSCRIBI BO BARIO! Mibariolimpi.org

Contact info: mibariolimpi@gmail.com

Minister di Cultura Xiomara Maduro:

Cada monumento restaura den su gloria ta conta nos su historia



Durante e periodo di gobernacion di Gabinete Wever-Croes I y II, bou di e liderazgo di Minister Xiomara Maduro di Cultura varios trabou di restauracion y mantencion di monumento a wordo ehecuta pa Monumentenbureau Aruba y Monumentenfonds Aruba cu aprobacion di Monumentenraad Aruba. A rescata casnan tambe pa conserva nan como monumento di Pais Aruba. E prome monumentonan priva tambe a keda seya of a inicia e proceso pa nan haya nan seyo di monumento protegi di Pais Aruba.

Restauracion a tuma luga na Botica Aruba, Zuidstraat 7, Maria Convent, Warda di Polis Savaneta. Trabounan di restauracion lo tuma luga tambe na Dakota Airport, ex edificio di DOW y na Cas Veneranda.

Mantencion a tuma luga na Ecury Complex, Watertoren Oranjestad, Nicolaas Store, Forno di Calki, grafnan di Commandeur, School 1888, Stadshuis, Edificio di Corte, California Lighthouse, Henriquez Pand, Weststraat 15 y pronto e edificio na Zoutmanstraat lo keda debidamente manteni.

A rescata y conserva 'Cas Tan Tin' como e prome cas di cunucu cu ta keda conserva como monumento pafo di ciudad. Tambe Cas Veneranda ta bay haya su seyo como monumento protegi di Pais Aruba. E interior di Kapel di Betania tambe ta wordo conserva pa posterioridad.

E prome monumentonan priva tambe a keda proteha, esta Dakota Airport cu pronto lo wordo restaura den su gloria y Kapel di Alto Vista cu ta keda conserva como refugio religioso di nos Pais.



25% off
for
locals



Indulge in a diverse selection of salads, pastas, and beloved steaks and chops ensuring a dining experience to cherish.

Open daily for dinner from 5.30 to 10.30pm

Live Music on Sunday, Monday and Tuesday

For reservations +297-526-6612



Cu bista riba e siguiente Ciclo Olimpico

COA reuni cu atleta di natacion Patrick Groters

Como parti di e proceso di evaluacion di e Ciclo Olimpico cu a pasa, y preparando pa e futuro cu bista riba e siguiente Ciclo Olimpico "LA 2028", ta reuni cu tur atleta cu a forma parti di e grupo di Comité Olimpico Arubano, representando nos pais durante weganan di ciclo.



Atleta di natacion Patrick Groters, cu ta conoci como medayista di oro na e ultimo Weganan Panamericano Junior na Cali 2021, asina clasificando y participando na weganan Panamerican di Santiago 2023, a sinta cu COA, pa asina conta con su proceso actual di entrenamiento na "Mission Viejo" na California, unda e ta train cu un team profesional y kico e planes pa e siguiente añanan. Patrick ta conta cu

actualmente e proceso di entrenamiento ta canando hopi bon, como e por concentra solamente riba train y cu un ekipo profesional rond di dje, por percura pa tur cos ta optimal pa asina logra mehora su rendimiento.

E ta contento cu e decision di a bay entrena na e ekipo profesional aki, pa asina por mira e mehoracion cu ta desea, y

asina participa na e weganan grandi di e siguiente Ciclo Olimpico cu bista riba bon resultado. Actualmente Patrick ta den pleno preparacion pa asina bay participa na e "Short Course World Championships" na Budapest, Hungria den luna di december awo.

Banda di e aspectonan tecnico, a elabora tambe riba e parti tecnico-financiero, pues

e parti di fondonan aloca pa Patrick, pa asina cera año 2024 y cuminsa mira na kico ta necesario pa logra e obhectivonan di 2025.

E fondonan aloca na nos atletanan di rendimiento, ta danki na programanan internacional cu COA ta ricibi di "Olympic Solidarity" y

"Panam Sports", y ta importante pa haci uso di esakinan lo mas eficiente posibel, pa asina haci e maximo esfuerso y yuda mas hopi atleta cu por. Comité Olimpico Arubano ta desea Patrick Groters hopi exito den su preparacionnan pa cu e siguiente eventonan, y COA lo para su tras y duna sosten unda posibel.

COA cu yamada na tur Federacion

miembro

Preparacion pa e siguiente Ciclo Olimpico a cuminsa



Cu e ultimo ciclo Olimpico awo tras di lomba y e proceso di evaluacion den su fase final, departamento tecnico "Direccion di Deporte" a inicia e planificacion competitivo pa loke ta trata e e proximo año nan. Como Comité Olimpico, e siguiente ciclo Olimpico cu tin como evento final e Weganan Olimpico di LA2028.

Na 2025 ta inicia cu un Wega clave cual ta e Weganan Panamericano Junior, Asuncion 2025. Den cuadro di esaki, a haci un peticion oficial na tur Federacion miembro di Comité Olimpico Arubano pa entrega informacion na nivel tecnico p'asina por cuminsa na planifica posibel participacion na e diferente weganan di año 2025 en adelante.

Un total di 24 federacion a ricibi un e-mail di parti di COA, splicando e proceso y locual lo mester entrega consecuentemente asina por wordo inclui den e proceso di planificacion y posibel participacion. E informacion mas esencial cu a ser pidi ta un lista di atletanan cu cada Federacion ta presenta pa ser tuma den consideracion.

Esaki lo mester a bay a base di un analisis di resultado di e ultimo año(nan), un muestra di e desempeño tecnico di

nan deporte y mester ta conforme e standard cu a ser estableci y informa na tur Federacion miembro den e carta cu a ser entrega na februario 2022, caminda ta ser demostra cu cada atleta cu wordo presenta, lo mester tin pronostico di ta un posibel finalista na e weganan cu e lo por participa.

E rason principal pa decision tecnico aki di parti di COA ta pa percura cu e nivel di atleta cu ta logra representa Aruba na nivel di weganan den ciclo Olimpico ta uno di bon calidad. Banda di esaki, a haci peticion pa entrega un plan competitivo cu ta inclui e parti di e presupuesto pa tur evento, training y/of cualkier otro necesidad cu e atleta lo tin pa cu e año calendario.

A base di e informacion aki, hunto cu e plan tecnico cu lo mester wordo entrega mas laat den año, COA lo traha un lista preliminar di e atletanan cu posibilidad di participacion na Weganan den e siguiente ciclo.

E proceso di aki ta un parti e maneho tecnico cu COA tin ta ehecuta pa algun año caba, cu ta un parti clave pa e éxito y desaroyo di #TEAMARU durante e ultimo ciclo Olimpico di Paris 2024, unda a logra mehora resultado y logrando Aruba su prome diploma Olimpico, pues un Top 8.

Un invitacion special pa dunadonan di cuido

**Embehece
cu Dignidad**

Fecha: 18 october 2024
Orario: 2.30 pm - 6.30 pm
Luga: JFK Education Center

Programa:

- Calidad di cuido pa adultonan mayor
- Dignidad di adultonan mayor durante di cuido na cas
- Soledad bou di adultonan mayor
- Cuido avansa pa adultonan mayor: Dignidad na final di bida
- Importancia di movecion pa adultonan mayor
- Importancia di tene adultonan mayor activo
- Maneho di stress

Inscribi via:

✉ info@doz.aw

☎ +297 280-5004



Organisacion Caballista Arubano ta presenta 4 dia di actividad di “Interpaso”

OCA ta trahando duro pa otro siman caminda lo tin 4 dia di actividad pa loke ta trata Interpaso.

Diahuebs lo cuminsa cu charla duna pa dos veterinario pa por educa y informa e caballistanan na Aruba. Lo tin dos charla, e prome topico cu lo cubri ta Odontologia, caminda Dr. Eline Ferrari lo splica e importancia di cuidu dental den equino y con esaki ta juda mehora e salud di e animal. E charla aki lo ta den ingles.

Siguiente topico lo ta tocante Reproduccion Equino, caminda Dr. Esteban Velazquez lo bay splica tur aspecto reproductivo cu mester tene na cuenta na momento cu ta desea di rasa un cabay. E charla di reproduction lo ta den spanjo. Ambos charla ta gratis y lo tuma lugar na Villa Flo-



ralina cuminsando pa 7 PM. Diabierna lo tin un Horse Halloween Costume Contest, caminda por disfrasa bo mes y tambe bo cabay pa participa pa diferente premio cu lo tin. E contest lo ta di 7 PM pa 9 PM y entrada y participacion ta gratis pa tur. Despues

di esaki lo tin e banda musical Suona pa sigi cu e Welcome Party pa Interpaso.

Diasabra pa 5 PM lo cuminsa cu competencia di cabay caminda lo conta cu participacion di cabaynan di nos hermanda isla Corsou tambe.



Entrada diasabra lo ta 10 florin y na final di anochi lo tin banda musical Shine pa 11 PM.

Diadomingo 3 PM lo tin competencia di Jinete & Amazona pa loke ta categorianan Principiante como tambe cat-

egorianan regular. Entrada diadomingo ta 5 florin, mucha bou di 12 anja ta drenta gratis. E juez pa e dos dianan di competencia lo ta Sr. Jairo Camacho di Panama.

Potretnan Facebook Organizacion Caballista Arubano.

Team snor keto bay invicto!

E rij di boluntario pa bati team Snor ta creciendo cu cada bataya di domino den e palacio di domino aya na Kudawechea, esta e tan fama Domino Square Garden.

Diasabra ultimo 12 di october, Sheriff “Snor” Perez a bolbe pone ordo den Domino City ora cu den un bon bataya el a one un strepi mas riba cabo di su pistol! E conocido ekipo di Biba Lekker, bou guia di Don Trimon, a yega yen di animo y ilusion pa caba cu e reinado di Snor, pero den un forma indudabel Snor a demostra cu nan ta “the team to beat”!

E prome rondo a bay manera relampago! Snor ta bay 4-1 dilanti, y den “no time” ata Team Snor ta dilanti cu 7-1. Smile di horea pa horea, pero den corto tempo e smile a cuminsa bira manera di cabay cu a come wango. Ata pocopoco Biba Lekker su motor a cuminsa start y paso a paso nan a cuminsa cera e “gap” entre nan cu Snor. Cos ta na 8-6 na favor di Snor ora cu porfin e motor di Team Snor a cuminsa start atrobe y punto a drenta

atrobe. Halftime ta bay aden cu score di 11-8 pa Snor. E pasapalonan a cuminsa lora di biaha y manera warawara na yuna un y tur a baha cu gara “gèstrèch” pa logra un snack! Tur plan di dieet a ser benta foi boto y den no time scalchi ta bashi.

Di dos tempo ta cuminsa y ta bira bisto cu Biba Lekker a tene un tremendo “pep talk” den pauze. Score ta preta preta na 15-14 pa Snor, cu rosea di Biba Lekker ey mes den lomba. Management team di Snor ta “grijp in” di biaha y varios divorcio ta cay den team pa drecha cuenta! Snor su ekipo ta estabilisa y por ultimo ata Han cu Lee ta lanta para y grita “21!” pa Team Snor.

Team Biba Lekker a tranca na 18 y c’un bon bataya e ekipo di Snor ta marca otro victoria tras di su nomber cu score di 21-18. Shonnan, fin di aña ya a cuminsa laga su sombra cay caba y te ainda Snor ta invicto! Caya ta papia cu aki poco tempo tur contrincante lo cera cabes pa lanta un “All Star Team” pa wak si ainda por laga Snor troya pa 2024! Keda pendiente!



Necesidadnan energetico di e empresanan di tecnologia ta nifica cu proveedornan di electricidad ta reconsiderando energia nuclear

(AP) - Energia nuclear ta generando atencion renoba den medio di exigencia creciente pa poder y energia mas limpi.

E fuente di energia aki a experimenta un regreso mientras e nacionnan ta enfoca den reduci e emisionnan como esfuerso pa combati cambio di clima. Na mesun tempo, e necesidadnan energetico di e sector tecnologico ta creciendo den forma di centro di dato y avancen poderoso den inteligencia artificial.

E factornan aki a hiba e empresanan y gobiernonan observa di mas cerca un fuente di energia cual su peligrosnan posibel a haci esaki no popular desde algun decada. Segun McKinsey, Merca ta e mercado cu crecemento mas lihe pa centronan di dato y ta pronostica cu e demanda lo triplica mas cu 3 biaha pa aña 2030, alcansando 80 gigawatt.

Constellation Energy tin plan di bolbe habri un Three Mile Island na Pennsylvania bao un acuerdo cu Microsoft. Oracle tin plan di utiliza un tecnologia nobo den forma di reactor nuclear chikito modular pa asina alimenta su centronan di dato, mientras cu google ta cumprando energia nuclear di reactornan chikito modular den desaroyo pa Kairos Power. Amazon tambe a compra un centro di dato alimenta pa energia nuclear na Pennsylvania na comienso



di e aña aki y tambe ta invirtiendo den reactor nuclear chikito.

“E sector energetico ta convirtiéndose rápidamente den un protagonista den e storia di AI,” segun analistanan di McKinsey a informa den un informe. “E acceso na e energia a bira un factor critico pa impulsa e construccion di centronan di dato nobo.”

E demanda aki, conhuntamente cu e obhetivo di hiba e uso di energia di e nacion na “net zero” di emision di carbon, ta nifica cu e expectativa tocante e contribucionnan di e energia nuclear ta aumentando. E energia nuclear ta proporciona caba

alrededor di 20% di henter e generacion di electricidad na Merca y International Atomic Energy Agency ta anticipa cu capacidad di generacion electrico nuclear por casi triplica na Norte America pa 2050.

E energia nuclear ta conta cu sosten di e gobierno Mericano manera un opcion pa avansa den direccion di un energia mas limpi y yuda reduci e emisionnan di carbon. E planta di energia nuclear di Vogtle na Georgia a habri dos reactor nobo den e ultimo añanan.

E pronosticonan di demanda creciente a haci cu e empresanan di servicio publico cu planta nuclear ta un obhetivo

pa acuerdo nan cu companianan grandi di dato.

Three Mile Island, ubia na Pennsylvania, tabata e sitio di e pio accidente nuclear comercial den historia di Merca, ora cu su reactor di Unidad 2 a sufrir un fusion parcial y a queda fuera di linea den 1979. E acuerdo recién entre Microsoft y Constellation ta propone bolbe habri e reactor di Unidad 1, cua permanece den operacion te cu 2019.

“E acuerdo aki ta reconoce e papel fundamental cu tin e energia nuclear den e provision di energia limpi y tambe den sosten na confiabilidad,” Daniel L. Eggers, director financiero di Constellation a

comenta den un yamada cu analistanan.

Varios estado te ainda ta mantene moratorio tocante e desaroyo di energia nuclear, pero tin un movimiento den e ultimo 10 aña pa cu esaki. Wisconsin, Kentucky, Montana y West Virginia ta entre e estadonan cu a bolbe habri nan porta na construccion di reactor. Otro estado, incluyendo New York, tin restriccion parcial basa riba size y localidad.

E demanda pa energia nuclear ta poniendo mas enfoca riba e empresanan di tecnologia nuclear y e minanan di uranio.

NuScale Power a mira cu el a multiplica den accion mas di 5 biaha e aña aki tras un aumento di 40% den 2023. E empresa ta fabrica reactornan modular chikito, cu ta ocupa menos espacio cu e plantanan tipico di energia y su reactornan. Wall Street ta anticipa cu su ingresonan lo aumenta considerablemente den e proximo añanan.

E prijsnan di uranio ta cerca di un maximo di 15 aña. E aumento di e prijsnan a yuda fortalecer accionnan di empresanan manera Cameco y NexGen, ya cu e minanan di uranio y su parnan ta enfrenta un demanda creciente di combustibel.

Meta ta despedi empleadonan na Whatsapp y Instagram pa alineas cu ‘metanan strategico’

(AP) - Meta ta bisa cu el a despedi algun empleadon, incluyendo algun na WhatsApp y Instagram, pa realinea su recursonan cu su “metanan strategico.”

Un vocero di Meta a confirma esaki den un declaracion, splicando cu algun ekipo tabata haciendo cambio pa asina alineas cu nan meta di termino largo y strategia di localidad. Detayenan specifico riba e cantidad di empleado impacta no a keda revela.

“Esaki ta inclui move algun ekipo na diferente localidad y move algun empleado na diferente rol,” Meta a bisa den e declaracion. “Den situ-

acionnan manera esaki unda un rol ta elimina, nos ta traha duro pa haya otro oportunidadnan pa e empleadonan impacta.

The Verge, ken prome a reporta e retironan, a bisa cu e recorte di trabao a ser haci na ekiponan cu ta inclui servicionan di mensahe manera Whatsapp y Instagram y Meta su unidad di tecnologia di realidad virtual Reality Labs.

Entre esnan afecta tin Jane Manchun Wong, un ingeniero di software conoci pa descubri funcionnan no publica den aplicacionnan di rednan social popular pa uni Meta

den 2023.

Meta tabatin varios ronda di despido pa ahusta su empleadonan despues cu el a agresivamente contrata durante e pandemia. Anteriormente e aña aki, el a corta varios trabao den Reality Labs despues di despedi 11,000 empleado den 2022. Aña pasa, otro 10,000 trabao a ser recorta cu CEO Mark Zuckerberg considerando 2023 e “año di eficiencia.”

“Te ainda mi ta purbando di procesa esaki pero mi a keda informa cu mi rol na Meta a keda impacta,” Wong a skirbi den un publicacion riba Threads.




Cientificonan ta muestra con sperma y eicel ta uni manera yabi den candal

(AP)—Pa hopi tempo, e manera con un sperma y eicel ta fuse hunto tabata un misterio. Investigacion nobo pa científiconan na Austria a provee un pista tentador, mustrandocu fertilisacion ta traha manera yabi cu candal den henter e reino animalístico, di pisca pa hende.

“Nos a descubri e mecanismo aki cu ta hopi fundamental den tur vertebrado te cu nos por mira,” segun co-autor Andrea Pauli na e Research Institute of Molecular Pathology na Vienna.

E equipo a descubri cu tres proteina riba e sperma ta uni pa forma un tipo di yabi cu ta habri e eicel, permitiendo e




sperma pa pega. Nan descubrimiento saca for di estudionan riba celnan di zebrafish, raton y hende, ta muestra con e proceso aki a persisti durante miyones di aña di evolu-

cion. Resultadonan a ser publica ayera den e revista Cell.

Cientificonan tabata sa tocante e dos proteinanan caba, un riba e superficie di e sperma y un otro riba e membrana di e eicel. Trahando cu colaboradornan internacional, e laboratio di Pauli a usa e herment di inteligencia artificial AlphaFold—di ken su desaroyador a haya un Nobel Prize na comienso di luna—pa yuda nan identifica un proteina nobo cu ta permiti e prome conexion molecular entre spera y eicel. Tambe nan a demostra con e funciona den sernan bibo.

No tabata conoci anteriormente con e proteinanan “a traha hunto como un equipo pa asina permiti spera y eicel reconece otro,” Pauli a bisa.




Cientificonan ainda no sa con e sperma ta dreña e eicel despues cu e pega na dje y ta spera di por investiga esey proximamente.

Eventualmente, Pauli a bisa, trabao asina por yuda otro científiconan compronde infertilidad miho of desaroya metodonan nobo di anticonceptivo.

E trabao aki ta provee obhe-

tivo pa e desaroyo di anticonceptivo masculino en particular, segun David Greenstein, un experto riba genética y biología di cel na e University of Minnesota ken no tabata envolvi den e estudio.

E estudio aki “tambe ta subraya e importancia di e Nobel Prize di e aña aki den kimica,” el a bisa.



Hulanda: Organizacion gubernamental ta usa al menos 120 sistema di AI

Riesgonan di esaki frecuentemente no ta claro

(AP)—Organisacionnan gubernamental ta usa al menos 120 sistema cu ta basa riba Inteligencia Artificial (AI), segun e Rekenkamer Hulandes. Den casi mita di e casonan aki, ta pone tiki of hasta ningun atencion riba e riesgonan di usa e tipo di sistemanan aki, segun miembro di directiva di e Rekenkamer, Ewout Irrgang.



Sistemanan cu inteligencia artificial no ta programa pa man pero por medio di usa un cantidad di data, cual a ser siña con pa cumpli tareanan. Problemanan manera violacionnan di privacidad y discriminacion por ser conecta cu esaki. “Bo por solamente controla e riesgonan ora bo sa di nan,” segun Irrgang.

E mayoria di organisacionnan gubernamental no ta usa mas

cu tres sistema di AI. E excepcion ta e agencia di beneficio UWV, cual ta usa dies, y polis, cual ta utiliza 23 sistema. UWV ta usa AI pa pronostica ken no lo tin e salario despues cu beneficio caba y pa duna sosten a basa di esey. Irrgang a bisa, “Si sistemanan tin un impacto riba ciudadanonan, bo tin mas chens di tin riesgonan.”

Organisacionnan guberna-

mental usualmente ta considera e riesgonan pa ser minimo den e situacion cu nan evalua. Pero tambe den e casonan ey, tin riesgo di asuntonan manera violacion di privacidad, e Rekenkamer a ripara.

Un porcion mas chikito di e proyectonan ta considera “un riesgo halto.” No por descartar cu sistemanan di AI por ser usa cualkier por ser prohibi

bao ley di Union Europeo. Bao ley di UE, cierto sistema basa riba inteligencia artificial lo ser prohibi for di februari 2025. Secretaria di estado di Digitalisacion Zsolt Szabó a bisa cu e rastreamento y kitamento di e sistemanan aki ta un “prioridad halto.”

E sistemanan cu lo bira ilegal ta inclui sistemanan cu ta reconece cara pa clasifica hende den gruponan di poblacion of sistemanan cu ta duna hende “punto social” pa nan comportamiento y di e manera aki causa consecucionan negativo pa nan.

E Rekenkamer tambe a nota cu e ta diferencia den cada situacion con e riesgo ta ser evalua. E Gabinete a bisa den un respuesta cu nan kier mehora e cohesion y Irrgang ta pensa cu esaki ta algo “positivo.”

No solamente e riesgonan pero tambe e beneficionan di AI frecuentemente no ta claro. Den 42 di e 120 sistema, no ta conoci si nan ta cumpliendo cu expectativanan. Mayoria di e resto ta dunando resultado manera a anticipa of hasta miho.

Esaki ta e prome biaha cu e Rekenkamer Hulandes a investiga sistemanan di AI. E inspectorado a puntra 70 organizacion di gobierno pa mapa nan uso di AI, manera e ministerio di Finanzas, Migracion y asociacionnan di locucion publico manera NPO.

Ta posible cu tin empleadonan di gobierno cu ta usa programanan “ad hoc” manera ChatGPT, pero nan no ta inclui den e estudio. Esaki tambe ta aplica pa sistemanan di AI pa propositonan militar of agencianan di inteligencia, por chempel.

Adicto ambulante ta bolbe kibra auto y ta bisa cu niun hende por haci'e algo

Diaranson merdia a drenta informe di cu e adicto ambulante ningun hende no por haci'e nada y ta sigui haci su cosnan.

Den oranan di anochi a drenta informe di cu e mesun adicto aki a habri un pickup Nissan blauw y a coba aden dje y lo a bay den direccion di Klipstraat. Un rato despues e polis a pasa den e caya menciona pero no a encontra cune y a dirigi su mes na e auto unda a descubri e auto habri y cu tur cos reboltia den dje. Dje a drenta informe di cu un patruya a informa cu e



adicto ambulante ey lo a bay y e patruya a tarda pa bay na e sitio ey y no a hay'e mas. y ta na e casita di otro adicto ambulante na Elleboogstraat

Dama tabata kier a bula dilanti autonan cu mal intencion



Diahuebs mainta a drenta informe di cu tin un grupo di hende cu tin un dama wanta pasobra e lo tin mal intencion cu su mes y tabata bula dilanti autonan cu ta pasa.

Despues di basta deliberacion nan bay cu e dama pa warda di polis unda eyan e lo a bira malo y a pidi un ambulans pa bin atende cu e dama.

Chauffeur coriendo duro a bay dal tras di auto mand'e dal e median y bolter

Diahuebs atardi a drenta informe di un accidente cu hende herida pariba di e brug Fredis Refunjol, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente unda un auto Nissan Fuga coriendo cu velocidad halto a bay dal tras di un Hyundai Accent manda esaki dal na e median y bolter mientras e Fuga a sigui bay para un poco mas leu. Debi na e impacto 2 hende a resulta herida pero solamente 1 a bay cu ambulans pa hospital.



Yiu di 24 aña cliente di Respaldo ta lanta contra su mama



Diahuebs mainta a drenta informe di cu un yiu di 24 aña kende ta un cliente di respaldo ta lantando contra su mama, mesora a dirigi patruyanan na e sitio.

Na yegada di e patruya a bin compronde cu e yiu tabata

luchando contra su mesun mama. Polis a controla e situacion y a logra domina y tranquilisa e yiu. Na yegada di e ambulans nan a atende e cliente y despues di basta rato e yiu a logra calma y por a bay tranquilamente na Respaldo.

Yiu kier a ranca cartera di mama y den e forsamento aki e mama a cay

Diaranson anochi a drenta informe di cu un yiu lo kier a forsa su mama pa dun'e placa pa cumpra un of otro substancia pero e mama no tabata kier.

Consecuentemente a surgi un forsamento pa haya e cartera y e mama a cay te na e stupi di caminda na Sabana Basora Noord, mesora a dirigi tanto polis como ambulans na e sitio. Na yegada di e polis mesora a detene e yiu mientras na yegada di e ambulans nan a atende e mama y a transporte pa hospital.



Celebracion 10 aniversario di Parokia San Juan Pablo II na Tanki Leendert



Papa Francisco a canoniza Papa Juan Pablo II dia 27 april 2014 como Santo. 18 mei 2014 Obispo Luis Antonio Secco a inaugura un parokia nobo na Aruba, esta Parokia San Juan

Pablo II.

E aña aki ya nos ta celebra 10 aniversario di nos Parokia pero tambe Canonisacion di nos Patrono. Esaki sigur ta motibo pa celebra p'esey nos

kier invita parokianonan y devotonan pa compania nos den e nobena y preparacion spiritual pa fiesta Patronal San Juan Pablo II cual lo ta diadomingo 20 october 2024. Programa di nobena y celebracion: Fiesta Patronal 2024 – 10 aniversario

Diabierna, 11 october 2024
Nobena pa 5:45 pm y sigui cu Santo Sacrificio di Misa pa 6.30 pm

Diasabra, 12 october 2024
Nobena pa 5:15 pm y sigui cu Santo Sacrificio di Misa pa 6.00 pm

Diadomingo, 13 october 2024
Nobena pa 8:15 am y sigui cu Santo Sacrificio di Misa pa 9.00 am

Dialuna te cu diabierna, 14 - 18 oktober 2024
Nobena pa 5:45 pm y sigui cu Santo Sacrificio di Misa pa 6.30 pm

Diasabra, 19 october 2024
Nobena pa 5:15 pm y sigui cu Santo Sacrificio di Misa pa 6.00 pm

Diadomingo, 20 october 2024
Santo Sacrificio di Misa pa 9.00 am. Celebracion Fiesta Patronal di parokia San Juan Pablo II y sigui despues cu un brindis pa tur presente. Potret di Parokia San Juan Pablo II riba Facebook.

One Happy Island Lions Club ta organisa Peace Poster Contest


One Happy Island Lions Club, un biaha mas ta organisando e competencia anual di pintamento di Lions International. Ya pa mas di 30 aña Lions International ta organisando e Peace Poster contest mundialmente, aki na Aruba, nos di One Happy Island Lions Club ta organisando e evento aki pa di 4 biaha.

One Happy Island Lions Club kier invita hobennan entre 11 pa 13 aña, pa participa na e mainta di pintamento aki cu lo tuma luga riba diasabra 26 di october di 9AM pa 2PM na Centro di Bario Kibrahacha.

E tema pa e aña aki ta: Peace without Limits.


Rekisitonan pa participa ta lo siguiente:

- Competencia ta habri pa tur mucha entre 11 y 13 aña, naci entre 16 di november 2010 y november 15, 2013;
- Participacion ta completamente gratis;
- Inscripcion adelanta ta necesario usando e siguiente link; https://docs.google.com/forms/d/e/1FAIpQLSdveadtN-H5I6tHnnuryNU-v7rgqHY1RlafhxxVwZNA_KqjunA/viewform
- Ultimo dia pa inscribi ta 23 di october 2024;
- Tur mucha lo ricibi durante e mainta aki di pintamento algo di come y bebe;

























- Tur material pa pinta lo ta cortesia di One Happy Island Lions Club;
- Pintura ganador ta bira propiedad di One Happy Island Lions Club;
- Exhibicion y anuncio di ganadornan y otorgamento di premio lo tuma lugar den luna di december

Pa mas informacion ta disponibel riba nos Facebook page: One Happy Island Lions Club of por manda nos un WhatsApp na 564-2034.

Resultado Sorteo October 16			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
7344	7324	3013	7146
3635	8588	SUPER5	0820
7771	8025	97908	5912

MERDIA	ANOCHI		
--------	--------	--	--

			
Sorteo # 4421	Sorteo # 8375	Sorteo #	Joker 26 Letter
8567	1460	0 x Jackpot	Proximo Jackpot
8630	4711	0 x Match 4+	2.100.000,-
0527	5339	0 x Match 4	
		0 x Afl. 12,00	
X2	FP		
			03-04-08-15-16
Sorteo # 4421	Sorteo # 7419	Sorteo # 6627	Proximo Jackpot
8511	5736	0 x Jackpot	77.000,-
		8 x Match 4	
X2	FP	140 x Afl 8,00	
			
Sorteo # 2477	Sorteo # 2124		
7863	7411		
		Sorteo #	Mega Ball
Sorteo # 4421	Sorteo # 6178	0 x Jackpot	Proximo Jackpot
5194	3050	0 x match 4	360.000,-
Geminis	Piscis	0 x Afl. 500,00	
		0 x Afl. 50,00	
Sorteo # 1295	Sorteo # 1108	0 x Afl.15,00	
813	417		Afl. 460.000,-
			
X3	FP	Sorteo #	







Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel. 297-582-2219

Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad **San Nicolas**
Hospital **Imsan**
7:00 pm / 10:00 pm 24 ora

Botica na warda

Oranjestad: **San Nicolas:**
Sta. Cruz San Lucas:
Tel. 585 8028 Tel. 584 5119
EMERGENCIA **911**

POLIS

Oranjestad **100**
San Nicolas **104**
Santa Cruz **105**
Noord **107**
Tip Line **11141**
Brandweer **115**
Ambulance **911**
Hospital **527-4000**
Imsan **524-8833**
Warda Costa **913**
Seguridad Nacional **11911**
Cruz Cora **582-2219**

BOTICA

Aloe **584-4606**
4 Centro Medico **584-5794**
Central **585-1965**
Dakota **588-7364**
Del Pueblo **582-1253**
Eagle **587-9011**
Kibrahacha **583-4908**
Maria **585-8145**
Di Servicio Noord **586-4606**
Oduber **582-1780**
Paradera **588-6638**
San Lucas **584-5119**
San Nicolas **584-5712**
Santa Anna **586-8181**
Santa Cruz **585-8028**
Sero Preto **584-4833**
Trupial **583-8560**

UTILIDAD

Setar **117**
Web **525-4600**
Elmar **523-7147**

FUNERARIA

Aurora **588-6699**
Royal Funeral H. **586-4444**
Ad Patres **584-2299**
Olive Tree **584-8888**

Servicio di Taxi

**Aruba Transfer Tour &
Taxi C.A.**
Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Corte di Bangladesh ta emiti ordo di detencion pa ex prome minister Sheikh Hasina a causa di fayecimento di manifestantenan



(AP) - Un corte special na Bangladesh a emiti ordo di detencion riba diaranson contra e ex-promo minister Sheikh Hasina y otro 45 persona, incluyendo su aliadonan cercano, bao cargo di crimen contra humanidad durante un manifestacion lidera pa studiantenan di juli y augusuts cu a obliga su persona huy for di e pais, segun e fiscal.

Fiscal B.M Sultan Mahmud a bisa cu International Crimes Tribunal basa na Dhaka bao Muhammad Yunus, e pais su lider interino, a emiti e ordo di detencion den respuesta na dos peticion entrega pa fiscalia.

El a bisa cu e hefe di e tribunal, Golam Mortuza Majumdar, a emiti e ordonan den e presencia di otro huesnan.

“E tribunal prome a acepta nos peticion cu ta involucra Sheikh Hasina so. Despues no a sigui cu nos di dos peticion contra 45 persona cu ta involucra su aliadonan cercano y otronan pa e crimennan contra humanidad. Esaki tambe a keda acepta pa e tribunal,” el a bisa via telefon.

No tabatin reaccion inmediato for di Hasina su partido Bangladesh Awami League.

Hasina a huy di e pais na India dia 5 di augustus despues di simannan di

manifestacion violento a causa di quota di trabao na gobierno den cual centenares di persona a fayece. Fiscalnan a bisa den nan peticion cu Hasina, su aliadonan cercano y agencianan di seguridad ta responsabel pa asesina e manifestantenan y otronan.

E no ta cla si India lo responde na peticion di Bangladesh pa Hasina su extradicion bao e

tratado mutuo. E tribunal su fiscal hefe, Muhammad Tajul Islam, anteriormente a bisa cu e lo pidi ayudo di interpol, si necesario, lo trece Hasina back.

Hasina ta enfrenta mas di 100 caso incluyendo esnan entrega bao cargo di crimennan contra humanidad.

Pronostico di tempo

Tempo:

Awe tardi y awe nochi: parcialmente nubia y generalmente seco
Den marduga y mañan: temporalmente hopi nubia cu un posibel awasero local

Temperatura maximo 33 grado Celsius
Temperatura minimo 27 grado Celsius
Indice di calor (heat index) den y rond di oranan di merdia: 34 pa 39 grado Celsius
Uv index: 11

Bahada di solo: 6:20pm
Subida di solo: 6:30am

Biento:

Moder a for di direccion oost-noordoost te oost-zuidoost; forsa 3 te 4 (12 te 30km/ora, 7 te 16 nudo).
Den dia basta fuerte te posiblemente fuerte den rafaga; forsa 5 te 6 (31 te 50km/ora, 17 te 27 nudo).

Situacion general di tempo:

Na e momentonan aki no tin



disturbio di importancia pa e weer local. Atmosfera regional ta poco seco y esaki lo stroba desaroyo di nubianan cu por produci yobida. Cu excepcion di un awasero breve den oranan di marduga y mainta trempa tempo lo keda seco.

Condicionnan maritimo/estado di lama:

Na partinan protege di costa: keto, rond di 1 pia.
Na partinan zuid: trankil, 1 pa 2 pia.
Na partinan oost te noord-west di costa: generalmente modera cu olanan alrededor di 3 pa 4, localmente e por yega 5 pia

Aurora

Royal Pray


Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Dios ta amor... y amor ta Dios,
maske mi no ta na e mundo aki, tur dia lo mi ta banda
di boso curason, mi por stens di loke Señor ta hasi”
Salmo 33

Cu dolor na nos curason, pero conforme cu boluntad
di Dios, nos ta participa fayecimento di nos Mama
stima:

**Eufemia Laureta
Tromp-Maduro
Cariñosamente
Yama “Greta”**
*10-05-1957 - †09-
10-2024



Na number di su:

Mama: † Erendencia Maduro

Tata: † Francisco Hermanus Maduro

Casa: Reinaldo Tromp

Yiu nan: Sheila Willems-Maduro y Oscar Willems
Jairzinho Tromp
Rachel Tromp

Nieto nan: Osmar Bislip y Ghiamylane Maduro
Oswin Willems

Bisanieta: Baby Ghianna Bislip

Ruman nan: † Maxima Maduro
† Irena Maduro
† Catalina Maduro
† San Salvador Maduro
† Loreta Maduro
Augustin Maduro y famia
Simon Maduro y famia
Rolando Maduro

Tanta nan: Wana Maduro y famia
Clara Fingal y famia

Iha nan: Mauricio Geerman, Natuska Angela-Tromp,
Rachid van der Linde.

Tur sobrino, sobrina, primo y prima nan stima.

Swa y Cuña nan stima.

Demas famia: Maduro, Tromp, Geerman, Willems, Bislip,
Williams, Croes, Ras, Lopez, Fingal, Yarzagaray, Briezen,
Rasmijn, Vrolijk, Blanco, Angela, del Orbe de Jesus,
Eight, Heyer, Orman, Wester, Henson, Cornes, Noguera,
Piter, Abreau, Helder, Pinales, Mesedes, Wernet, Wouters,
Marchena, Martes, Roja, Werleman, Nilier, Zylstra, van der
Linde, Beuperthuy, Mackintosh, Le Grand, Kock.

Si den caso di nos tristeza nos por a lubida algun familiar, nos
ta pidi nos mas sincero disculpa.

Sin lubida, tur su cliente nan stima di Tele Uno Lottery
den Vietnam, Gilbert Carranza y Los Astros, Hua Mei
Supermarket, bisingja nan stima, y tur su amistad nan kerí.

Si ta desea, dia di entiero por trese un Rosa di cualkier color
pa Mama. Nos ta lamenta cu despues di entiero nos no lo por
ricibi bishita na cas.

Acto di condolencia ta tuma lugar na Pray Funeral Home riba
Diahuebs 17 October 2024 di 7or pa 9or di anochi.
Acto di entiero lo tuma lugar Diabierna 18 October 2024 di
2or pa 4or na Misa Santa Theresita na San Nicolaas. Despues
pa Santana Catholico di San Nicolaas.

Zelenskyy ta bisa cu 10,000 Norte Koreano por uni cu forsan Ruso na Ucrania mientras e ta pusha “Plan di Victoria”

(AP)—Presidente Ucrainiano Volodymyr Zelenskyy a bisa ayera cu su gobierno tin informacion di inteligencia cu 10,000 tropa for di Nort Korea ta preparando pa uni cu forsan Ruso bringando contra su pais, adviertiendo cu un tercer nacional involucrando su mes den e hostilidadnan lo transforma e conflicto den un “guera mundial.”

Zelenskyy no a bay den detaye tocante e declaracion cu a bin un dia despues cu e Merca su secretaria di estado suplente Kurt Campbell a bisa cu Washington y su aliadonan ta alarma pa e sosten militar di Nort Korea pa e guerra di Rusia na Ucrania pero no por a confirma e declaracionnan Ucrainiano cu soldadnan tabata ser manda pa bringa pa Moscu.

“For di nos inteligencia nos a haya informacion cu Nort Korea a manda empleadonan tactico y agentenan na Ucrania,” Zelenskyy a conta reporteronan na e oficina di NATO. “Nan ta preparando pa aterisa 10,000 soldaat, pero nan no a move ainda pa Ucrania of Rusia.”

Secretario general di NATO Mark Rutte a bisa cu e aliadonan “no tin evidencia cu e soldadnan di Nort Korea ta involvi den e lucha. Pero nos sa si cu Nort Korea ta sosteniendo Rusia den hopi manera, suministracion di arma, tecnologia, innovacion, pa asina sostene nan den e esfuerzo di guerra. Y esey ta hopi preocupante.”

E comentarionan di e lider Ucrainiano a aumenta e riesgonan pa su aliadonan den e West mientras el a reuni na Bruselas cu lidernan di Union Europeo y despues cu ministernan di Defensa den NATO pa asina discuti su “plan di victoria” pa caba cu e guerra devastador den su pais.

Puntonan importante di e plan ta inclui un invitacion pa Ucrania drenta den NATO y permiso pa usa misilnan di distancia largo suministra pa e West pa ataca obhetivonan militar dentro di Rusia, stapnan cu a ser enfrente cu duda for di Kyiv su aliadonan.

El a conta e lidernan di UE cu “nos por caba cu e guerra aki no mas tarda cu otro aña” si sigui cu su plan. Zelenskyy a conta reporteronan cu su plan ta diseña pa “fortalece Ucrania” y crea e caminda pa un solucion diplo-



matico pa caba cu e conflicto.

Den un declaracion despues di su discusionnan cu Zelenskyy, lidernan di UE a haci yamado pa “un aumento den sosten militar y aceleracion den su entrega, en particular sistemanan di defensa aereo, municion- y misilnan” pa proteha e poblacion y infraestructura di energia di Ucrania.

UE ta un aliado clave pa Ucrania, un candidato pa e aliansa di 27 nacion, mientras e ta bringa contra e invasion di Rusia cu a cuminsa mas cu 2.5 aña pasa.

Zelenskyy a subraya e plan di cinco punto na e parlamento di Ucrania diaranson sin revela e elementonan confidencial cu a ser presenta den priva na aliadonan clave.

Prome minister Viktor Orbán, ken ta considera di tin e relacion mas caluroso cu e presidente Ruso Vladimir Putin compara cu cualkier otro lider den UE, a yama e plan di Zelenskyy “mas cu espantoso” den un publicacion riba Facebook. El a bisa cu e lo urgi podernan grandi den UE, Francia y Alemania, pa “cuminsa cu negociacionnan cu Rusia lo mas pronto posible, pa asina haya un manera pa sali for di e situacion aki.”

Rutte a bisa cu Kyiv por ta “absolutamente segura cu 32 aliado ta uni pa segura cu colectivamente, nos lo haci lo necesario pa garantiza cu Ucrania gana, cu Putin no lo haya su kier.” El a reitera cu e luga di Ucrania ta entre e rangonan di NATO, pero no a bisa ki ora e lo drenta.

Zelenskyy a conta lidernan di UE cu su tropanan mester sigui bringa contra forsan Ruso na Ucrania “mientras tanto tambe trece e guerra back den Rusia pa asina Rusonan por sinti con e guerra ta y cuminsa odia Putin.”

E discusionnan di ayera na Bruselas ta bin mientras tropanan Ucrania ta luchando pa mantene e Rusonan atras, specialmente den e region di Donetsk unda ta nan ser gradualmente pusha for di e region. Kyiv ta sobreviviendo cu e ayudo di e West, pero Ucrania ta bisa cu e ayudo ta yegando hopi lento.

Na e cumbre na Washington den juli, e 32 miembronan di NATO a declara Ucrania riba un caminda “irreversible” pa miembresia. Pero pa awo, NATO ta den un patronchi di impasse. Su miembro mas poderoso, Merca, ta enfrentando un eleccion presidencial. Aliadonan Europeo ta anticipa tiki movimiento riba Ucrania te cu un presidente nobo tuma oficina na januari.

Enviado di ONU ta propone pa dividi e Sahara Occidental

(AP)—Un enviado di e Organizacion di Nacionnan Uni (ONU) a sugeri pa dividi e teritorio entre Maroco y e Frente Polisario como un manera pa calma e conflicto andante pa decadas.

Staffan de Mistura a propone particion como un posible manera pa satisface ambos banda y duna residentenan un chens pa dicidi bao ken nan kier biba, segun un presentacion duna durante un reunion di e Consejo di Seguridad di ONU diaranson, cual a ser obteni pa AP.

“Un opcion asina por permiti na un banda e creacion di un estado independiente den e parti sur, y na otro e banda e integracion di e resto di e Teritorio como parti di Maroco, cu su soberania riba dje internacionalmente reconoci,” el a bisa.

E idea di particion no ta nobo. Den un acuerdo cu nunca a ser promulga, Mauritania a sede e parti sur di e Sahara Occidental pa Polisario ora el a retira na 1979. Ex-enviado James Baker a flota e particion mas cu dos decada pasa.

De Mistura a yama e idea algo pa considera. El a bisa cu al-



gun pais involvi “a expresa algun interes” aunke ambos Maroco y Polisario “no a muestra señal di disposicion pa considera pa explora esaki mas.

Division entre e liñanan historico lo pone Laayoune—e ciudad mas grandi den e teritorio disputa—den e norte, y Dakhla—su segunda ciudad mas grandi—den e sur. Aunke e por permiti e autonomia Marocano riba algun parti di e teritorio y independencia

Sahrawi, e no ta satisface e condicionnan di ambos banda. E posicion di Maroco ta pa no negocia riba e soberania di e teritorio disputa y e posicion di Polisario ta pa demanda auto-determinacion via un referendum.

ONU a purba resolve e disputa teritorial desde añanan 1970 y a yuda negocia un areglo na 1991 cu a yama pa un proceso di paz cu a inclui un alto-el-fuego y e establecimiento di un mision pa man-

tene paz cu lo organisa un voto eventual riba e status di e ex-colonia di Spaña.

Negociacionnan ainda no a duna resultado bao varios envidonnan di ONU cu a precede de Mistura. Den su presentacion diaranson, e diplomaat Italiano a bisa cu el a planea pa sigui persigui progreso pa seis luna mas prome cu e regresa pa consultacionnan otro aña.

E ausencia di progreso, el a

bisa, “por causa pregunta pa e modalidadnan di e facilitacion di e proceso politico di ONU riba e Sahara Occidental” y lo pone e sugeri na e Consejo di Seguridad pa reevalua “si tin espacio y disposicion pa nos ta util ainda.”

E Sahara Occidental ta un region den noroeste Africa cu ONU a considera un teritorio “no-autogoberna” desde 1963, ora e tabata un colonia Spaño, y ta considera Polisario e representante legitimo di e pueblo Sahrawi. Maroco ta controla e mayoria di e region y ta consider’e pa ta su “provincianan sur”, mientras cu Polisario ta mira s mes como un gobierno den exilio y ta opera for di camponan di refugiadonan den suroeste Algeria.

Entre cuestionamento tocante un manera pa yega na paz, Polisario a retira for di e acuerdo di alto-el-fuego na 2020. Hostilidad di intensidad baho a sigui. Cu e proceso di ONU den un impasse, e aliadonan di Maroco—incluyendo Merca, Francia y Spaña—a keda demostra nan sosten tras di e plan di autonomia di e pais cu no ta duna e independencia na e teritorio disputa.

Israel ta bisa cu el a elimina lider di Hamas Yayha Sinwar na Gaza



(AP)—Forsanan Israeli na Gaza a mata e top lider Yayha Sinwar, un arkitecto principal di e atake riba Israel aña cu e causa e guerra actual, segun e ehército a bisa ayera. Ta parce cu tropanan a top’e sin sa den un bataya, sola-

mente pa descubri despues cu un di e curpanan den e escombronan tabata e hombre mas busca na Israel.

Lidernan Israeli a celebra su asesinato como un igualisacion di punto, mas cu un aña

despues cu e militantenan di Hamas a drenta e parti sur di Israel den un atake cu a sorprende e pais. Tambe nan a presenta esaki como un momento pa Hamas rende y libera aproximadamente 100 rehen cu e tin ainda den captura.

Asina mes, prome minister Benjamin Netanyahu a bisa, “Nos guerra no a caba ainda.” Banda di busca e libertad di e rehennan, Netanyahu a bisa cu Israel mester mantene control riba Gaza pa sigura cu Hamas no rearma—habriendo e posibilidad pa un continuacion den bringamento.

Pa Hamas, e morto di Sinwar ta un golpi duro, pero el a keda prueba su mes resiliente durante e guerra. No tabatin ningun confirmacion for di Hamas riba e morto di Sinwar. Minister di Defensa Israeli, Yoav Gallant, a adresa e luchadornan di Hamas, bisando cu “ta tempo pa sali, libera e rehennan, hisa bo man y rende.”

Presidente Mericano Joe Biden a yama e morto di Sinwar un “bon dia pa Israeli, pa Merca y pa henter mundo,” comparando esaki na e sentimiento na Merca despues cu a asesina e lider di al-Qaida, Osama bin Laden. El a bisa cu e lo papia cu Netanyahu “pa

discuti un manera pa trece e rehennan back na nan famia, y pa caba cu e guerra aki.”

Sinwar tabata e top lider di Hamas dentro di Gaza pa varios aña, conecta cercaamente na su ehército mientras e tabata fortaleciendo su capacidadnan. El a ser eleva pa e posicion mas halto dentro di Hamas na juli despues cu su predecesor Ismail Haniyeh a ser asesina den un aparente atake Israeli den e capital Irani, Tehran.



Casi 100 morto na Nigeria debi na explosion di un truck cu combustibel

(EFE) - Por lo menos 94 persona a muri y casi 50 a keda herida den nort di Nigeria ora un truck cu combustibel a explota diamars ultimo den oranan di anochi, segun polis a anuncia diaranson.

E truck a sufri un accidente riba un autopista den e estado di Jigawa y hopi di e victimanan a ser alcanza pa e explosion ora nan a bay busca combustibel, segun vocero di polis Lawan Shisu Adam a bisa.

“Te cu awor nos a confirma 94 morto y alrededor di 50 herido”, e vocero a bisa.

Despues di e accidente den e ciudad di Majia, residentenan a reuní rond di e vehiculo pa recohe e combustibel cu a basha, Adam a informa.



E vocero a splica cu polis a yega na e sitio y a purba di distrae nan, pero e oficialnan tabata “hopi bezig.” Explosion di truck tankero ta comun na Nigeria, e pais mas pobla di Africa, na unda e camindanan no ta ser manteni y hende ta purba saca combustibel ora un accidente ta sucede.

Nigeria ta sufrendo di un crisis economico agudo y na mesun momento e prijs di gasolin a aumenta cinco biaha desde cu presidente Bola Ahmed Tinubu a corta subsidio aña pasa.

Siman pasa e compania estatal di petroleo a hisa prijs pa di

dos biaha den poco mas di un luna y ademas di e aumento di prijs, tin scarsedad di combustibel. Comision Federal di Seguridad riba Caminda (FRSC) a registra 1,531 accidente cu ta involvi trucknan di combustibel na 2020 cu 535 morto.

Na cuminsamento di september, por lo menos 59 persona a muri na Nigeria ora un tankero di combustibel a dal den un truck cu tabata transporta pasahero y bestia den e estado di Niger. FRSC a registra 5,000 morto di accidente di caminda na Nigeria na 2023, compara cu 6.500 na 2022.

Pero Organizacion Mundial di Salud (WHO) ta sostene cu hopi accidente no ta ser reporta na autoridadnan y ta calcula cu alrededor di 40,000 hende ta muri anualmente riba e careteranan di e pais, segun un rapport di 2023.

Na Nigeria, un di e productornan di crudo mas grandi di Africa, candela y explosionnan mortal tambe ta ser reporta den infraestructura di distribucion di petroleo y combustibel.

Polis di Pakistan ta dispara gas lacrimogeno riba studiantenan mientras rabia ta plama a causa di violacion na campus universitario



(AP) - Polis di Pakistan a tira gas lacrimogeno y a bay contra studiantenan manifestante cu a drenta un edificio universitario diahuebs, mientras cu indignacion pa un supuesto violacion cu a sucede na e campus a extende.

Polis di Pakistan a tira gas lacrimogeno y a carga contra e estudiantenan manifestante cu a drenta un edificio universitario diahuebs, mientras cu indignacion a extende pa un supuesto violacion riba e campus, cual a haci cu gobierno a cera e scolnan, colegionan y universidadnan durante 2 dia.

E tensionnan tabata halto riba e campus universitario desde cu a plama riba rednan social e informe tocante e supuesto violacion den e ciudad orien-

tal di Lahore, y e manifestacionnan a surgi den 4 ciudad.

Violencia diahuebs a cuminsa ora cu centenares di estudiante a manifesta dilanti un campus na e ciudad di Rawalpindi, na e provincia Punjab. Nan a kima muebles y a bloka un carretera clave, interrompiendo trafico prome cu a drenta un edificio universitario. Polis a responde cu violencia y gas lacrimogeno pa plama nan, segun funcionario policial Mohammad Afzal.

Polis a bisa cu e detencion di 250 persona, e mayoria estudiante, pa cargonan di stroba paz. E noticia di e detencionnan a genera panico entre e mayornan, kendenan a lucha pa e libertad di nan yiu.

Na Gujrat, tambe e provincia di Punjab, un guardia di

seguridad a fayece den e enfrentamentonan entre studiantenan manifestante y polis durante e dia. Polis a detene tambe un persona en conexion cu e morto.

Tambe a detene un homber acusa di plama informacion erroneo riba rednan social tocante e supuesto violacion pa asina motiva e studiantenan na violencia.

Na comienso di e siman aki, mas di dos decena di estudiante universitario a resulta herida den enfrentamento cu polis na Lahore despues cu nan a manifesta pa existi husticia pa e supuesto victima, cual segun nan a bisa, a ser viola na campus di Punjab Group of Colleges.

Diahuebs, e gobierno a prohibi e manifestacionnan y a



cera e institucionnan educativo na Punjab durante dos dia pa asina aparentemente evita mas manifestacion segun e funcionarionan.

Federal Investigation Agency a bisa cu el a registra casonan contra 36 persona acusa di plama mal informacion tocante caso riba rednan so-

cial. Autoridadnan, incluyendo e provincia su minister hefe a bisa cu no tabatin agresion, di mesun manera cu e muhe su mayornan. Sinembargo polis riba diahuebs a urgi hende pa comparti cualkier informacion cu nan por tin tocante e supuesto violacion.

YOU ARE INVITED TO

AMC UNICON IS MY STORE!

MEGA LAUNCH EVENT

Join us for an amazing night of bands, shows, music, drinks, snacks, special offer and the launch of our new *AMC Unicon Mega Store* with more shopping and better services!

FRIDAY OCTOBER 18TH
6PM – 9:30PM
L.G. SMITH BLVD. 144

